

四庫全書

子部

欽定四庫全書

黃帝內經素問卷三

唐 王冰 次註

宋 林億等校正

靈蘭秘典論

六節藏象論

五藏生成篇

五藏別論

靈蘭秘典論篇第八

新校正云按全元起本名十二藏相使在第三卷

黃帝問曰願聞十二藏之相使貴賤何如

藏藏也言腹中之所藏者

非復有十二形神之藏也

岐伯對曰悉乎哉問也請遂言之心者君

主之官也神明出焉

任治於物故為君主之官清靜栖靈故曰神明出焉

肺者相

傳之官治節出焉

位高非君故官為相傳主行榮衛故治節由之

肝者將軍之

官謀慮出焉

勇而能斷故曰將軍潛發未萌故謀慮出焉

膽者中正之官決

斷出焉

剛正果決故官為中正直而不疑故決斷出焉

臆中者臣使之官喜樂

出焉

臆中者在胃中兩乳間為氣之海然心主為君以敷宣教令臆中主氣以分布陰陽氣和志適則喜

樂由生分布陰陽故官為臣使也

脾胃者倉廩之官五味出焉

包容五穀是為

倉廩之官營養四傍故云五味出焉

大腸者傳道之官變化出焉

傳道謂傳不潔

之道變化謂變化物之形故云傳道之官變化出焉

小腸者受盛之官化物出焉

承奉胃司受感糟粕受已復化傳  
入大腸故云受感之官化物出焉  
腎者作強之官伎巧

出焉

強於作用故曰作強造化形容故云伎巧在女則當其伎巧在男則正曰作強

三焦者決

瀆之官水道出焉

引導陰陽開通閉塞故官司決瀆水道出焉

膀胱者州都

之官津液藏焉氣化則能出矣

位當孤府故謂都官居下內空故藏津液若得

氣海之氣施化則洩便注泄氣海之氣不及則闕隱不通故曰氣化則能出矣靈樞經曰腎上連肺故將兩藏勝胱是孤府則此之謂也  
凡此十二官者不得相失也  
失則災害至故不得相失

新校正云詳此乃十一官脾胃二藏共一官故也  
故主明則下安以此養生則

壽歿世不殆以為天下則大昌

主謂君主心之官也夫主賢明則刑賞一刑賞

一則吏奉法吏奉法則民不獲罪於枉濫矣故主明則天下安也夫心內明則銓善惡銓善惡則察安危察安危則身不夭傷於非道矣故以此養生則壽歿世不至於危殆矣然施之於養生沒世不殆施之於君主天下獲安以其為天下主不明則十二官危使道閉塞而不

通形乃大傷以此養生則殃以為天下者其宗大危戒

之戒之

使道謂神氣行使之道也夫心不明則邪正一邪正一則損益不分損益不分則動之凶咎陷

身於羸瘠矣故形乃大傷以此養生則殃也夫主不明則委於左右委於左右則權勢妄行權勢妄行則吏不得奉法吏不得奉法則人民失所而皆受枉曲矣且人惟邦本本固邦寧邦不獲安國將何有宗廟之立安可不至於傾危乎故曰戒  
至道在微變化無窮孰知其原之戒之者言深慎也

孰誰也言至道之用也小之則微妙而細無不入  
大之則廣遠而變化無窮然其淵原誰所知察  
窹乎

哉消者瞿瞿

新校正云按太素作肖者濯濯

孰知其要閔閔之當孰者

為良

窹要也瞿瞿勤勤也人身之要者道也然以消息異同求諸物理而欲以此知變化之原本者雖瞿

瞿勤勤以求明悟然其要妙誰得知乎既未得知轉成深遠閔閔玄妙復不知誰者為善知要妙哉玄妙深遠固不以理求而可得近取諸身則十二官粗可探尋而為治身之道爾閔閔深遠也良善也  
新校正云詳此

四句與氣交變大論文重彼消字作肖

恍惚之數生於毫釐

恍惚者謂似有似無也忽

亦數也似無似有而毫釐之數生其中老子曰恍惚惚惚其中有物此之謂也  
算書曰似有似無為忽  
毫

釐之數起於度量千之萬之可以益大推之大之其形

乃制

毫釐雖小積而不已命數乘之則起至於尺度斗量之繩準千之萬之亦可增益而至載之大數推

引其大則應通人形之制度也

黃帝曰善哉余聞精光之道大聖之業

而宣明大道非齋戒擇吉日不敢受也

深敬故也韓康伯曰洗心曰齋

防患曰戒

黃帝乃擇吉日良兆而藏靈蘭之室以傳保焉

秘

也至

六節藏象論篇第九

新校正云按全元起注本在第三卷

黃帝問曰余聞天以六六之節以成一歲人以九九制

會

新校正云詳下文云地以九九制會

計人亦有三百六十五節以為天

地久矣不知其所謂也

六六之節謂六竟於六甲之日以成一歲之節限九九制會謂

九周於九野之數以制人形之會通也言人之三百六十五節以應天之六六之節久矣若復以九九為紀法則兩歲太半乃曰一周不知其法真原安謂也 新校正云詳王注云兩歲太半乃曰一周按九九制會當云兩歲四分歲之一乃曰一周也 歧伯對曰昭乎哉問也請遂言之夫六

六之節九九制會者所以正天之度氣之數也

六六之節天之

度也九九制會氣之數也所謂氣數者生成之氣也周天之分凡三百六十五度四分度之一以十二節氣均之則歲有三百六十日而終兼之小月日又不足其數矣是以六十四氣而常置閏焉何者以其積差分故也天地之生育本趾於陰陽人神之運為始終於九氣然九之為用豈不大哉律書曰黃鍾之律管長九寸冬至



之日氣應灰飛由此則萬物之生成因於九氣矣古之九寸即今之七寸三分大小不同以其先鉅黍之制而有異也新校正云按別本三分作二分

天度者所以制日月之行也氣數

者所以紀化生之用也

制謂準度紀謂綱紀準日月之行度者所以明日月之行遲速

也紀化生之為用者所以彰氣至而斯應也氣應无差則生成之理不替遲速以度而大小之月生焉故日異長短月移寒暑收藏生長無失時宜也天為陽地為陰日為陽月為陰行

有分紀周有道理日行一度月行十三度而有奇焉故

大小月三百六十五日而成歲積氣餘而盈閏矣

日行連故

晝夜行天之一度而三百六十五日一周天而猶有度之奇分矣月行速故晝夜行天之十三度餘而二十九

日一周天也言有奇者謂十三度外復行十九分度之七故云月行十三度而有奇也禮義及漢律厯志云二十八宿及諸星皆從東而循天西行日月及五星皆從西而循天東行今太史說云並循天而東行從東而西轉也諸厯家說月一日至四日月行最疾日夜行十四度餘自五日至八日行次疾日夜行十三度餘自九日至十九日其行遲日夜行十二度餘二十日至二十三日行又小疾日夜行十三度餘二十四日至晦日行又大疾日夜行十四度餘今太史說月行之率不如此矣月行有十五日前疾有十五日後遲者有十五日前遲有十五日後疾者大率一月四分之而皆有遲疾遲速之度固無常準矣雖爾終以二十七日月行一周天凡行三百六十一度二十九日日行二十九度月行三百八十七度少七度而不及日也至三十日日復遷計率至十三分日之八月方及日矣此大蓋之月也大率其計率至十三分日之半者亦大蓋法也其計率至十三

分日之五之六而及日者小盡之月也故云大小月三百六十五日而成歲也正言之者三百六十五日四分日之一乃一歲法以奇不成日故舉大以言之若通以六小為法則歲止有三百五十四日歲少十一日餘矣取月所少之辰加歲外餘之日故從閏後三十二日而盈閏焉尚書曰朞三百有六旬有六日以閏月定四時成歲則其義也積餘盈閏者蓋以月之大小不盡天度故也

立端於始表正於中推

餘於終而天度畢矣

也端首也始初也表彰示也正斗建也中月半也推退位也言立首氣

於初節之日表斗建於月半之辰退餘閏於根望之後是以閏之前則氣不及月閏之後斯月不及氣故常月之制建初立中閏月之紀無初無中縱歷有之皆他節氣也故歷元云某候閏某月節閏某月中也推終之義斷可知乎故曰立端於始表正於中推餘

帝曰余已聞於終也由斯推日成閏故能今天度畢焉

天度矣願聞氣數何以合之歧伯曰天以六六爲節地

以九九制會

新校正云詳篇首云人以九九制會

天有十日日六竟而周

甲甲六復而終歲三百六十日法也

十日謂甲乙丙丁戊己庚辛壬癸之

日也十者天地之至數也易繫辭曰天九地十則其義也六十日而周甲子之數甲子六周而復始則終一歲之日是三百六十日之歲法非天度之數也此蓋十二月各三十日者若除小月其日又差也夫自古

通天者生之本本於陰陽其氣九州九竅皆通乎天氣

通天謂元氣即天真也然形假地生命惟天賦故奉生之氣通繫於天稟於陰陽而爲根本也實命全形論曰人生於地懸命於天天地合氣命之曰人四氣調神大論曰陰陽四時者萬物之終始也死生之本也又曰逆

其根則伐其本壞其真矣此其義也九州謂異兗青徐揚荆豫梁雍也然地列九州人施九竅精神往復氣與參同故曰九州九竅也靈樞經曰地有九州人有九竅則其義也先言其氣者謂天真之氣常繫屬於中也天氣不絕真靈內屬行藏動靜悉與天通故曰皆通乎天氣也

### 故其生五其氣三

形之所存

假五行而運用微其本始從三氣以生成故云其生五其氣三也氣之三亦副三元故下文曰新校正云詳夫自古通天者至此與生氣通天論同注頗異當兩觀之

### 三而成天三而成地三而

### 成人

非唯人獨由三氣以生天地之道亦如是矣故易乾坤諸卦皆必三矣

### 三而三之合

### 則為九九

### 分為九野九野為九藏

九野者應九藏而為義也爾雅曰邑外為

郊郊外為甸甸外為牧牧外為林林外為坳坳外為野則此之謂也新校正云按今爾雅云邑外謂之郊郊

外謂之故外謂之野野外謂之故形藏四神藏五合  
林林外謂之垆與王氏所引有異

為九藏以應之也

形藏四者一頭角二耳目三口齒四胃中也形分為藏故以名焉神藏五

者一肝二心三脾四肺五腎也神藏於內故以名焉所謂神藏者肝藏魂心藏神脾藏意肺藏魄腎藏志也故此二別爾新校正云詳此乃宣明五氣篇文與生氣通天注重又與三部九候論注重所以名神藏形藏之說具三部九候論注帝曰余已聞六六九九之會也夫子言積氣

盈閔願聞何謂氣請夫子發蒙解惑焉

請宣揚旨要啓所未聞解疑惑

者之心開蒙昧者之耳令其曉達咸使深明

岐伯曰此上帝所秘先師傳之

也上帝謂上古帝君也先師岐伯祖之師既貸季上古之理色脉者也移精變氣論曰上古使儻貸季理色

脉而通神明八素經序云天師對黃帝曰我於飢貸季  
理色脉已三世矣言可知乎 新校正云詳素一作索

或以八為太按 帝曰請遂聞之 遂盡 岐伯曰五日謂之  
今太素無此文

候三候謂之氣六氣謂之時四時謂之歲而各從其主

治焉 日行天之五度則五日也三候正十五日也六氣  
凡九十日正三月也設其多之矣故十八候為六

氣六氣謂之時也四時凡三百六十日故曰四時謂之  
歲也各從主治謂一歲之日各歸從五行之一氣而為

之主以王也 故下文曰 五運相襲而皆治之終朞之日周而復始

時立氣布如環無端候亦同法故曰不知年之所加氣

之盛衰虛實之所起不可以為工矣 五運謂五行之氣  
應天之運而主化

者也。襲謂承襲如嫡之承襲也。言五行之氣父子相承。主統一周之日常如是無已周而復始也。時謂立春之前當至時也。氣謂當王之脈氣也。春前氣至脈氣亦至。故曰時立氣布也。候謂日行五度之候也。言一候之日亦五氣相生而直之差則病矣。移精變氣論曰上古使微貸季理色脈而通神明合之金木水火土四時八風。六合不離其常此之謂也。工謂工於修養者也。言必明於此乃可橫行天下矣。新校正云詳王注時立氣布謂立春前當至時當王之脈氣也。按此正謂歲立四時時布六氣如環之無端故又曰候亦同法。帝曰

五運之始如環無端其太過不及何如。岐伯曰五氣更

立各有所勝盛虛之變此其常也。

言盛虛之變見此。此乃天之常道爾。帝

曰平氣何如。岐伯曰無過者也。

不愆常候則無過也。

帝曰太過不



及奈何岐伯曰在經有也

言玉機真藏論篇已具言五氣平和太過不及之旨也

新校正云詳王注言玉機真藏論已具按本篇言脈之太過不及即不論運氣之太過不及與平氣當云氣交

變大論五常政大論篇已具言也

帝曰何謂所勝岐伯曰春勝長夏長

夏勝冬冬勝夏夏勝秋秋勝春所謂得五行時之勝各

以氣命其藏

春應木木勝土長夏應土土勝水冬應水水勝火夏應火火勝金秋應金金勝木常

如是矣四時之中加之長夏故謂得五行時之勝也所謂長夏者六月也土生於火長在夏中既長而王故云長夏也以氣命藏者春之木內合肝長夏土內合脾冬之水內合腎夏之火內合心秋之金內合肺故曰各以氣命其藏也  
帝曰何以知其勝岐伯曰求其至也皆歸始也命名也

春始春謂立春之日也春為四時之長故候氣皆歸於立春前之日也未至而至此謂太

過則薄所不勝而乘所勝也命曰氣淫不分邪僻内生

工不能禁

此上十字文義不倫應古人錯簡次後五治下乃其義也今朱書之

至而不至

此謂不及則所勝妄行而所生受病所不勝薄之也命

曰氣迫所謂求其至者氣至之時也

凡氣之至皆謂在春前十五日乃候

之初也未至而至謂所直之氣未應至而先期至也先期而至是氣有餘故曰太過至而不至謂所直之氣應至不至而後期至後期而至是氣不足故曰不及太過則薄所不勝而乘所勝不及則所勝妄行而所生受病所不勝薄之者凡五行之氣我剋者為所勝剋我者為所不勝生我者為所生假令肝木有餘是肺金不足金

不制木故木太過木氣既餘則反薄肺金而乘於脾土矣故曰太過則薄所不勝而乘所勝也此皆五藏之氣內相淫併為疾故命曰氣淫也餘太過例同之又如肝木氣少不能制土土氣無畏而遂妄行木被土凌故云所勝妄行而所生受病也肝木之氣不平肺金之氣自薄故曰所不勝薄之然木氣不平土金交薄相迫為疾故曰氣迫也餘不及例皆同

謹候其時氣可與期失時反候五治不

分邪僻内生工不能禁也

時謂氣至時也候其年則始於立春之日候其氣則始於

四氣定期候其日則隨於候日故曰謹候其時氣可與期也反謂反背也五治謂五行所治主統一歲之氣也然不分五治謬引八邪天真氣運尚未該通人病之由安能精達故曰工不能禁也

帝曰有不襲

乎言五行之氣有不

不相承襲者乎歧伯曰蒼天之氣不得無常也氣之

不襲是謂非常非常則變矣

變謂變易天常也

帝曰非常而變

奈何歧伯曰變至則病所勝則微所不勝則甚因而重

感於邪則死矣故非其時則微當其時則甚也

言蒼天布氣尚

不越於五行人在氣中豈不應於天道夫人之氣亂不順天常故有病死之微矣左傳曰違天不祥此其類也假令木直之年有火氣至後二歲病矣土氣至後三歲病矣金氣至後四歲病矣水氣至後五歲病矣真氣不足復重感邪真氣內微故重感於邪則死也假令非主直年而氣相干者宜為微病不必內傷於神歲故非其時則微而且遲也若當所直之歲則易中邪氣故當其直時則病疾甚矣諸氣當其王者皆必受邪故曰非其時則微當其時則甚也通評虛實論曰非其時則生當其時則死當謂正直之年也

帝曰善余聞

氣合而有形因變以正名天地之運陰陽之化其於萬

物孰少孰多可得聞乎

新校正云詳從前歧伯曰昭乎哉問也至此全元起注本及太

素並無疑王氏之所補也

歧伯曰悉哉問也天至廣不可度地至大

不可量大神靈問請陳其方

言天地廣大不可度量而得之造化玄微豈可以人

心而徧悉大神靈問讚聖深明舉大說凡粗言綱紀故曰請陳其方

草生五色五色之變

不可勝視草生五味五味之美不可勝極

言物生之衆稟化各殊目

視口味尚無能盡之況於人心乃能包括耶

嗜欲不同各有所通

言色味之衆雖不可

徧盡所由然人所嗜所欲則自隨己心之所愛耳故曰嗜欲不同各有所通

天食人以五氣

地食人以五味

天以五氣食人者臊氣淡肝焦氣湊心香氣湊脾腥氣淡肺腐氣淡腎也地以

五味食人者酸味入肝苦味入心甘味入脾辛味入肺鹹味入腎也清陽化氣而上為天濁陰成味而下為地

故天食人以氣地食人以味也陰陽應象大論曰清陽為天濁陰為地又曰陽為氣陰為味

五氣入

臍藏於心肺上使五色脩明音聲能彰五味入口藏於

腸胃味有所藏以養五氣氣和而生津液相成神乃自

生

心榮面色肺主音聲故氣藏於心肺上使五色脩潔分明音聲彰著氣為水母故味藏於腸胃內養五氣

五氣和化津液方生津液與氣相副化成神氣乃能生而宣化也

帝曰藏象何如

象謂所見

於外可聞者也岐伯曰心者生之本神之變也其華在面其充

在血脉為陽中之太陽通於夏氣

心者君主之官神明出焉然君主者萬物

繫之以興亡故曰心者生之本神之變也火氣炎上故華在面也心養血其主脈故充在血脉也心王於夏氣合太陽以太陽居夏火之中故曰陽中之太陽通於夏氣也金匱真言論曰平旦至日中天之陽陽中之陽也

元起本并太素作神之處肺者氣之本魄之處也其華

在毛其充在皮為陽中之太陰通於秋氣

肺藏氣其神魄其養皮毛

故曰肺者氣之本魄之處華在毛充在皮也肺藏為太陰之氣主王於秋晝日為陽氣所行位非陰處以太陰居於陽分故曰陽中之太陰通於秋氣也金匱真言論曰日中至黃昏天之陽陽中之陰也新校正云按太陰甲乙經并太素作少陰當作少陰肺在十  
二經雖為太陰然在陽分之中當為少陰也  
腎者主蟄

封藏之本精之處也其華在髮其充在骨為陰中之少

陰通於冬氣

地戶封閉蟄蟲深藏腎又主水受五藏六府之精而藏之故曰腎者主蟄封藏之本

精之處也腦者髓之海腎主骨髓髮者腦之所養故華在髮充在骨也以盛陰居冬陰之分故曰陰中之少陰通於冬氣也金匱真言論曰合夜至雞鳴天之陰陰中之陰也新校正云按全元起本并甲乙經太素少陰作太陰當作太陰腎在十二經雖為少陰然在陰分之中當為太陰

肝者罷極之本魂之

居也其華在爪其充在筋以生血氣其味酸其色蒼

新校

正云詳此六字當去按太素心其味苦其色赤肺其味辛其色白腎其味鹹其色黑今惟肝脾二藏載其味其色據陰陽應象大論已著色味詳矣此不當出之今更不添心肺腎三藏之色味只去肝脾二藏之色味可矣



其注中所引陰陽應象大  
論文四十一字亦當去之

**此為陽中之少陽通於春氣**

夫人之運動者皆筋力之所為也肝主筋其神魂故曰  
肝者罷極之本魂之居也爪者筋之餘筋者肝之養故  
華在爪充在筋也東方為發生之始故以生血氣也陰  
陽應象大論曰東方生風風生木木生酸肝合木故其  
味酸也又曰神在藏為肝在色為蒼故其色蒼也以少  
陽居於陽位而王於春故曰陽中之少陽通於春氣也  
金匱真言論曰平旦至日中天之陽陽中之陽也 新  
校正云按全元起本并甲乙經太素作陰中之少陽當  
作陰中之少陽詳王氏引金匱真言論云平旦至日中  
天之陽陽中之陽也以為證則王意以為陽中之少陽  
也再詳上文心藏為陽中之太陽王氏以引平旦至日  
中之說為證今肝藏又引為證反不引雞鳴至平旦天  
之陰陰中之陽為證則王注之失可見當從全  
元起本及甲乙經太素作陰中之少陽為得

**脾胃大**

腸小腸三焦膀胱者倉廩之本營之居也名曰噐能化

糟粕轉味而入出者也

皆可受盛轉運不息故為倉廩之本名曰噐也營起於中焦中

焦為脾胃之位故云營之居也然水穀滋味入於脾胃脾胃糟粕轉化其味出於三焦膀胱故曰轉味而入出也  
者其華在脣四白其充在肌其味甘其色黃

新校正云詳此六字

當去并注中引陰陽應象大論  
文四十字亦當去已解在前條  
此至陰之類通於土氣

口為脾胃脾主肌肉故曰華在脣四白充在肌也四白謂脣四際之白色肉也陰陽應象大論曰中央生濕濕生土土生甘脾合土故其味甘也又曰在藏為脾在色為黃故其色黃也脾藏土氣土合至陰故曰此至陰之類通於土氣也金匱真言論曰陰中之至陰脾也  
凡十一藏取決於膽也

上從心藏

下至於膽為十一也然膽者中正剛斷無私偏故十一藏取決於膽也

故人迎一盛病在

少陽二盛病在太陽三盛病在陽明四盛已上為格陽

陽脉法也少陽膽脉也太陽膀胱脉也陽明胃脉也靈樞經曰一盛而躁在手少陽二盛而躁在手太陽三盛而躁在手陽明手少陽三焦脉手太陽小腸脉手陽明大腸脉一盛者謂人迎之脉大於寸口一倍也餘盛同法四倍已上陽盛之極故格拒而食不得入也正理論曰格則吐逆 寸口一盛病在厥陰

二盛病在少陰三盛病在太陰四盛已上為關陰

陰脉法也

厥陰肝脉也少陰腎脉也太陰脾脉也靈樞經曰一盛而躁在手厥陰二盛而躁在手少陰三盛而躁在手太陽手厥陰心包脉也手少陰心脉也手太陰肺脉也盛法同陽四倍已上陰盛之極故關閉而澁不得通也正

理論曰閉人迎與寸口俱盛四倍已上爲關格關格之

脈羸不能極於天地之精氣則死矣俱盛謂俱大於平常之脈四倍也物

不可以久盛極則衰敗故不能極於天地之精氣則死矣靈樞經曰陰陽俱盛不得相營故曰關格關格者不得盡期而死矣此之謂也新校正云詳羸當作盈脈盛四倍已上非羸也乃盛極也古文羸與盈通用

五藏生成篇第十新校正云詳全元起本在第九卷按此篇云五藏生成篇而不云論者蓋

此篇直記五藏生成之事而無問答論議之辭故不云論後不言論者義皆倣此

心之合脈也心火氣動躁脈類齊同其榮色也火炎上而色赤故榮

美於面而赤色新校正云詳王以赤色為面榮美未通大抵發見於面之色皆心之榮也豈專為赤哉其

**主腎也**

主謂主與腎相畏也火畏於水水與為官故畏於腎

**肺之合皮也**

金氣堅定皮象

亦然肺藏應金故合皮也

**其榮毛也**

毛附皮革故外榮

**其主心也**

金畏於火火與為官

故主畏於心也

**肝之合筋也**

木性曲直筋體亦然肝藏應木故合筋也

**其榮爪也**

爪者

筋之餘故外榮也

**其主肺也**

木畏於金金與為官故主畏於肺也

**脾之合肉也**

土性

柔厚肉體亦然脾藏應土故合肉也

**其榮唇也**

口為脾之官故榮於唇唇謂四際白色之處非赤色

**其主肝也**

土畏於木木與為官故主畏於肝也

**腎之合骨也**

水性流濕精氣亦然

骨通精髓故合骨也

**其榮髮也**

腦為髓海腎氣主之故外榮髮也

**其主脾也**

水畏於土

土與為官故主畏於脾也

**是故多食鹹則脉凝泣而變色**

心合脉其榮色鹹益

腎勝於心心不勝故脉凝泣而顏色變易也

多食苦則皮槁而毛拔

肺合皮其榮毛

苦益心勝於肺肺不勝故皮枯槁而毛拔去也

多食辛則筋急而爪枯

肝合筋其榮爪

辛益肺勝於肝肝不勝故筋急而爪乾枯也

多食酸則肉胝胸而脣揭

脾合肉其

榮脣酸益肝勝於脾脾不勝故肉胝胸而脣皮揭舉也

多食甘則骨痛而髮落

腎合

骨其榮髮甘益脾勝於腎腎不勝故骨痛而髮墮落

此五味之所傷也

五味入口輸於腸胃

而內養五藏各有所養有所欲欲則互有所傷故下文曰

故心欲苦

合火故也

肺欲辛

合金

故也肝欲酸

合木故也

脾欲甘

合土故也

腎欲鹹

合水故也

此五味之所

合也

各隨其欲而歸湊之

五藏之氣

新校正云按全元起本云此五味之合五藏之氣也連上

文太素同故色見青如草茲者死茲滋也言如草初生之青色也黃如枳實

者死色青黃也黑如焔者死焔謂焔煤也赤如衄血者死衄血謂敗惡凝

聚之血色赤黑也白如枯骨者死白而枯槁如乾骨之白也此五色之見死

也藏敗故見死色也三部九候論曰五藏已敗其色必夫夫必死矣此之謂也青如翠羽者

生赤如雞冠者生黃如蟹腹者生白如豕膏者生黑如

烏羽者生此五色之見生也此謂光潤也色雖可愛若見朦朧尤善矣故下文曰

生於心如以縞裹朱生於肺如以縞裹紅生於肝如以

縞裹紺生於脾如以縞裹枯樓實生於腎如以縞裹紫

是乃真見生色也  
縞白色紺薄青色  
此五藏所生之外榮也  
榮美色也  
色味當

五藏白當肺辛赤當心苦當肝酸當脾甘黑當腎

鹹各當其所應而為色味也故白當皮赤當脉青當筋黃當肉黑當

骨各歸其所養之藏氣也諸脉者皆屬於目  
脉者血之府宣明五氣篇曰从視傷血由

此明諸脉皆屬於目也新校正云按皇甫士安云九卷曰心藏脉脉舍神神明通體故云屬目 諸髓

者皆屬於腦腦為髓海故諸筋者皆屬於節  
筋氣之堅結者皆絡

於骨節之間也宣明五氣篇曰久諸血者皆屬於心  
行傷筋由此明諸筋皆屬於節也居

脉內屬於心也八正神明論曰血氣者人之諸氣者皆  
神然神者心之主由此故諸血皆屬於心也



屬於肺

肺藏主氣故也

此四支八竅之朝夕也

竅者肉之小會名也八竅謂肘

膝腕也如是氣血筋脉互有盛衰故為朝夕矣

故人卧血歸於肝

肝藏血心行之人動則血

運於諸經人静則血歸於肝藏何者肝主血海故也

肝受血而能視

言其用也目為肝之官故

肝受血而能視

足受血而能步

氣行乃血流故足受血而能行步也

掌受血而能

握

以當把握之用

指受血而能攝

以當攝受之用也血氣者人之神故所以受血者皆能運

用

卧出而風吹之血凝於膚者為痺

謂痺痺也

凝於脉者為

泣

泣謂血行不利

凝於足者為厥

厥謂足逆冷也

此三者血行而不得

反其空故為痺厥也

空者血流之道大經隧也

人有大谷十二分

大經

所會謂之大谷也十二分者謂十二經脉之部分

小谿三百五十四名少十二

俞

小絡所會謂之小谿也然以三百六十五小絡言之者除十二俞外則當三百五十三名經言三百五十

四者傳寫行書誤以三為四也  
云按別本及全元起本太素俞作闕

新校正

此皆衛氣之所

留止邪氣之所客也

衛氣滿填以行邪氣不得居止衛氣虧缺留止則為邪氣所客故言

邪氣所客鍼石緣而去之

緣為黃緣行去之貌言邪氣所客衛氣留止鍼其谿谷則邪氣黃緣

隨脉而行去也

診病之始五決為紀

五決謂以五藏之脉為決生死之綱紀也欲知

其始先建其母

建立也母謂應時之王氣也先立所謂應時王氣而後乃求邪正之氣也

五決者五脉也

謂五藏脉也

是以頭痛巔疾下虛上實過在

足少陰巨陽甚則入腎

足少陰腎脉起於目内背上額交巔

上其支別者從巔至耳上角其直行者從巔入絡腦還出別下項循肩髀内俠脊抵腰中入循膂絡腎屬膀胱然腎虛而不能引巨陽之氣故頭痛而為上巔之疾也經病甚已則入於藏矣

徇蒙招尤目冥

耳聾下實上虛過在足少陽厥陰甚則入肝

徇疾也蒙不明也言

目暴疾而不明招謂掉也搖掉不定也尤甚也目疾不明首掉尤甚謂暴病也目冥耳聾謂漸病也足少陽膽脉厥陰肝脉也厥陰之脉從少腹上俠胃屬肝絡膽貫鬲布脅肋循喉龍之後入頰頰上出額與督脉會於巔其支別者從目系下頰裏足少陽之脉起於目銳眥上抵頭角下耳後循頰入缺盆其支別者從耳後入耳中又支別者別目銳眥下頰加頰車下頸合缺盆以下曾中貫鬲絡肝屬膽今氣不足故為是病

新校正云按

王注徇蒙言目暴疾而不明義未甚顯徇蒙者蓋謂目  
臉闕動疾數而蒙暗也又少陽之脉下顙甲乙經作下  
顙  
**腹滿臍脹支鬲肱脇下厥上冒過在足太陰陽明**  
謂

脇上也下厥上冒者謂氣從下逆上而冒於目也足太  
陰脾脉陽明胃脉也足太陰脉自股內前廉入腹屬脾  
絡胃上兩足陽明脉起於鼻交於頰下循鼻外下絡頤  
頤從喉嚨入缺盆屬胃絡脾其直行者從缺盆下乳內  
廉下俠齊入氣街中其支別者起胃下口  
循腹裏至氣街中而合以下解故為是病  
**欬嗽上氣厥**

**在胷中過在手陽明太陰**  
手陽明大腸脉太陰肺脉也  
手陽明脉自肩髃前廉上出

於柱骨之會上入缺盆絡肺下兩屬大腸手太陰脉  
起於中焦下絡大腸還循胃口上兩屬肺從肺系橫出  
掖下故為欬嗽上氣厥在胷中也  
新校正云按甲乙經厥作病  
**心煩頭痛病在鬲中**

過在手巨陽少陰

手巨陽小腸脈少陰心脈也巨陽之脈從肩入缺盆絡心循咽下髀抵

胃屬小腸其支別者從缺盆循頸上頰至目銳眦手少陰之脈起於心中出屬心系下兩絡小腸故心煩頭痛病在兩中也 新校正云按甲乙經云胃中夫脈之小痛支滿腰背相引而痛過在手少陰太陽也

大滑濇浮沈可以指別

夫脈小者細小大者滿大滑者往來流利濇者往來蹇難浮者

浮於手下沈者按之乃得也如是雖衆狀不同然手巧心諦而指可分別也

五藏之象可以

類推

象謂氣象也言五藏雖隱而不見然其氣象性用猶可以物類推之何者肝象木而曲直心象火而

炎上脾象土而安靜肺象金而剛決腎象水而潤下夫如是皆大舉宗兆其中隨事變化象法傍通者可以同類而推 五藏相音可以意識 音謂五音也夫肝音角心音徵脾音宮肺音商腎音

羽此其常應也然其互相勝負聲見否  
臧則耳聰心敏者猶可以意識而知之  
五色微診可以

目察

色謂顏色也夫肝色青色心色赤脾色黃肺色白腎色黑此其常色也然其氣象交互微見吉凶則目

明智遠者可以  
占視而知之

能合脈色可以萬全

色青者其脈弦色赤者其脈鈎色黃

者其脈代色白者其脈毛色黑者其脈堅此其常色脈也然其參校異同斷言成敗則審而不惑萬舉萬全色脈之病例如下說  
赤脈之至也喘而堅診曰有積氣在中時害

於食名曰心痺

喘謂脈至如卒喘狀也藏居高病則脈為喘狀故心肺二藏而獨言之爾喘為

心氣不足堅則病氣有餘心脈起於心胃之中故積氣在中時害於食也積謂病氣積聚痺謂藏氣不宣行也  
得之外疾思慮而心虛故邪從之  
思慮心虛故外邪因之而居止矣  
白

脈之至也喘而浮上虛下實驚有積氣在胃中喘而虛

名曰肺痺寒熱

喘為不足浮者肺虛肺不足是謂心虛上虛則下當滿實矣以其不足故善驚

而氣積胃中矣然脈喘而浮是肺自不足喘而虛者是心氣上乘肺受熱而氣不得營故名肺痺而外為寒熱也

得之醉而使內也

酒味苦燥內益於心醉甚入房故心氣上勝於肺矣

青脈之

至也長而左右彈有積氣在心下支胛名曰肝痺

脈長而彈

是為弦緊緊為寒氣中濕乃弦肝主胛脇近於心故氣積心下又支胛也正理論脈名例曰緊脈者如切繩狀言左右彈人手也

得之寒濕與疝同法腰痛足清頭痛

脈緊為寒脈長

為濕疝之為病亦寒濕所生故言與疝同法也寒濕在下故腰痛也肝脈者起於足上行至頭出額與督脈會

於巔故病則足冷而頭痛也清亦冷也

黃脉之至也大而虛有積氣在腹

中有厥氣名曰厥疝

脉大為氣脉虛為虛既氣又虛故脾氣積於腹中也若腎氣逆上則

是厥疝腎氣不上則但虛而脾氣積也

女子同法得之疾使四支汗出當

風

女子同法言同其候也風氣通於肝故汗出當風則脾氣積滿於腹中

黑脉之至也上

堅而大有積氣在小腹與陰名曰腎痺

上謂寸口也腎主下焦故氣積

聚於小腹與陰也

得之沐浴清水而卧

濕氣傷下自歸於腎况沐浴而卧得無病乎靈

樞經曰身半以下濕之中也

凡相五色之奇脉面黃目青面黃目赤

面黃目白面黃目黑者皆不死也

奇脉謂與色不相偶合也凡色見黃皆為



有胃氣故不死也

新校正云按甲乙經無之奇脉三字

面青目赤面赤目白面青

目黑面黑目白面赤目青皆死也

無黃色而皆死者以無胃氣也五藏以胃

氣為本故無黃色皆曰死焉

### 五藏別論篇第十一

新校正云按全元起本在第五卷

黃帝問曰余聞方士或以腦髓為藏或以腸胃為藏或

以為府敢問更相反皆自謂是不知其道願聞其說

方士

謂明悟方術之士也言互為藏府之差異者經中猶有之矣靈蘭秘典論以腸胃為十二藏相使之次六節藏象論云十一藏取決於膽五藏生成篇云五藏之象可以類推五藏相音可以意誠此則互相矛盾爾腦髓為

藏應在別經

歧伯對曰腦髓骨脉膽女子胞此六者地氣之

所生也皆藏於陰而象於地故藏而不寫名曰竒恒之

府

腦髓骨脉雖名為府不正與神藏為表裏膽與肝合而不同六府之傳寫胞雖出納則受納精氣出則

化出形容形容之出謂化極而生然出納之用有殊於六府故言藏而不寫名曰竒恒之府也夫胃大

腸小腸三焦膀胱此五者天氣之所生也其氣象天故

寫而不藏此受五藏濁氣名曰傳化之府此不能久留

輸寫者也

言水穀入已糟粕變化而泄出不能久留住於中但當化已輸寫令去而已傳寫諸化

故曰傳化之府也

魄門亦為五藏使水穀不得久藏

謂肝之門也內通於

肺故曰魄門受已化物則為五藏  
行使然水穀亦不得久藏於中  
所謂五藏者藏精氣

而不寫也故滿而不能實  
精氣為滿水穀為實但藏精氣故滿而不能實 新校正

云按全元起本及甲乙經太素精氣作精神  
六府者傳化物而不藏故實而

不能滿也  
以不藏精氣但受水穀故也  
所以然者水穀入口則胃實

而腸虛  
以下也  
食下則腸實而胃虛  
水穀下也  
故曰實而不滿

滿而不實也帝曰氣口何以獨為五藏主  
氣口則寸口也亦謂脉口

以寸口可候氣之盛衰故云氣口可以切脉之動靜故云脉口皆同取於手魚際之後同身寸之一寸是則寸

也歧伯曰胃者水穀之海六府之大源也  
人有四海水穀之海則其

一也受水穀已榮養四傍以其當運化之源故為六府之大源也 五味入口藏於胃以

養五藏氣氣口亦太陰也

氣口在手魚際之後同身寸之一寸氣口之所候脉動者

是手太陰脉氣所行故言氣口亦太陰也 是以五藏六府之氣味皆出於胃

變見於氣口

榮氣之道內穀為寶 新校正云詳此注出靈樞實作寶 穀入於胃氣傳與肺精專者

循肺氣行於氣口故云變見於氣口 故五氣入鼻藏於

心肺心肺有病而鼻為之不利也凡治病必察其下適

其脉觀其志意與其病也

下謂目下所見可否也調適其脉之盈虛觀量志意之邪

正及病深淺成敗之宜乃守法以治之也 新校正云按太素作必察其上下適其脉候觀其志意與其病態

拘於鬼神者不可與言至德

志意邪則好祈禱言至德則事必違故不可與言至

德也惡於鍼石者不可與言至巧

惡於鍼石則巧不得施故不可與言至巧

病

不許治者病必不治治之無功矣

心不許人治之是其必死強為治者功亦

不成故曰治之無功矣

黃帝內經素問卷三

黃帝內經素問卷三

靈蘭秘典論臞

徒早切

廩

力稔切

瘠

音籍

瞿

音幼

六節藏象論

僦

音

卮

音

即就切

洩

所鳩切 小便也

五藏生成論

胝

上丁尼切

脇

下側救切

焔

音

𩚑

音

𩚑

音

𩚑

音

切

瘠

音頑

又音君

隧

音

頑

胡浪切

顛

音

顛

音

系

音

顛

音

𩚑

音

髑

音

五藏別論


楯

音

惡

音

汚



黃帝內經素問卷三釋文

欽定四庫全書

子部

黃帝內經素問卷五

詳校官太醫院恩禮臣袁天錫

編修臣倉聖脈覆勛

總校官檢討臣何思鈞

校對官中書臣范 釐

謄錄監生臣鄒世俊



欽定四庫全書

黃帝內經素問卷四

唐王冰次注

宋林億等校正

異法方宜論

移精變氣論

湯液醪醴論

玉板論要篇

診要經終論

異法方宜論篇第十二

新校正云按全元起本在第九卷

黃帝問曰醫之治病也一病而治各不同皆愈何也

不同

謂鍼石灸焫毒藥導引按蹻也

岐伯對曰地勢使然也

謂法天地生長收藏及高下燥

濕之勢故東方之域天地之所始生也

法春氣也

魚鹽之地海

濱傍水

魚鹽之地海之利也濱水際也隨業近之

其民食魚而嗜鹹皆安其

處美其食

豐其利故居安魚者使人熱中鹽者勝血

發渴則勝血之徵故其民皆黑色踈理其病皆為癰瘍

血弱而熱故喜為癰瘍

其治宜砭石

砭石謂以石為鍼也山海經曰高氏之山有石如玉可以

為鍼則砭石也

新

故砭石者亦從東方來

東人今西

方者金玉之域沙石之處天地之所收引也

法秋氣也引謂牽引

使收斂也其民陵居而多風水土剛強居室如陵故曰陵居

強也新校正云詳大抵西方地高其民不衣而褐薦

其民華食而脂肥謂細草也華謂鮮美酥酪骨肉之類

也以食鮮美故邪不能傷其形體其病生於內強飲食

脂肥膚腠閉封血氣充實故邪不能傷也內謂喜怒悲

當作思已具陰陽其治宜毒藥能攻其病則謂之毒藥

謂草木蟲魚鳥獸之類皆能除病者也故毒藥者亦從

西方來今奉之西方者天地所閉藏之域也其地高

陵居風寒冰冽

法冬氣也

其民樂野處而乳食藏寒生滿病

水寒冰冽故生病於藏寒也  
新校正云按甲乙經无滿字

其治宜灸焫

火艾燒灼謂之灸焫

故灸焫者亦從北方來

北人正行其法

南方者天地所長養陽

之所盛處也其地下水土弱霧露之所聚也

法夏氣也地則水

流歸之水多故土弱而霧露聚

其民嗜酸而食胘

言其所食不芬香新校正云按全元起

云食魚也故其民皆緻理而赤色其病攣痺

酸味收斂故人皆肉理密緻陽

盛之處故色赤濕氣內滿熱氣內薄故筋攣脉痺也

其治宜微鍼

微細小也細小之鍼調脉衰盛

也故九鍼者亦從南方來

南人盛崇之

中央者其地平以濕

天地所以生萬物也衆

法土德之用故生物衆然東方

地平以濕則地形

斯異生病殊焉 其民食雜而不勞

四方輻輳而萬物

而不勞也

故其病多痿厥寒熱

濕氣在下故多病痿弱氣逆

筋脈居近於濕故爾

其治宜導引按蹻

導引謂搖筋

謂抑按皮肉蹻謂捷舉手足

故導引按蹻者亦從中央出也

中人為養神

調氣之正道也 故聖人雜合以治各得其所宜

隨方而用各得其宜唯聖人法

乃能然矣 故治所以異而病皆愈者得病之情知治之大體

也 達性懷故然

移精變氣論篇第十三

新校正云按全元起本在第二卷

黃帝問曰余聞古之治病惟其移精變氣可祝由而已

今世治病毒藥治其內鍼石治其外或愈或不愈何也

移謂移易變謂變改皆使邪不傷正精神復強而內守也生氣通天論曰聖人傳精神服天氣上古天真論曰

精神內守病安從來歧伯對曰往古人居禽獸之間動作以避寒

陰居以避暑內無眷慕之累外無伸官之形新校正云按全元起

本仲史此恬憺之世邪不能深入也故毒藥不能治其內

鍼石不能治其外故可移精祝由而已古者巢居穴處夕隱朝游禽獸

之間斷可知矣然動躁陽盛故身熱足以禦寒涼氣生  
寒故陰居可以避暑矣夫志捐思想則內无眷慕之累  
心亡願欲故外无伸官之形靜保天真自无邪勝是以  
移精變氣无假毒藥祝說病由不勞鍼石而已新枝  
正云按全元起云祝由南方神當今之世不然情慕云為憂患緣其內

若形傷其外又失四時之從逆寒暑之宜賊風數至虛  
邪朝夕內至五藏骨髓外傷空竅肌膚所以小病必甚  
大病必死故祝由不能已也帝曰善余欲臨病人觀死  
生決嫌疑欲知其要如日月光可得聞乎歧伯曰色脉  
者上帝之所貴也先師之所傳也上帝謂上古之帝先師謂歧伯祖世之師

僦貸季也上古使僦貸季理色脉而通神明合之金木水火

土四時八風六合不離其常

先師以色白脉毛而合金應秋以色青脉弦而合木

應春以色黑脉石而合水應冬以色赤脉洪而合火應夏以色黃脉代而合土應長夏及四季然以是色脉下合五行之休王上副四時之往來故六合之間八風鼓

下曰文變化相移以觀其妙以知其要欲知其要則色脉

是矣

言所以知四時五行之氣變化相移之要妙者何以色脉故也

色以應日脉以應

月常求其要則其要也

言脉應月色應日者占候之期準也常求色脉之差忒是則平

人之診要也夫色之變化以應四時之脉此上帝之所貴以



合於神明也所以遠死而近生

觀色脉之臧否曉死生之徵兆故能常遠於死

而近於生也

生道以長命曰聖王

上帝聞道勤而行之生道以長惟聖王乃爾而常用

也 中古之治病至而治之湯液十日以去八風五痺之

病

八風謂八方之風五痺謂皮肉筋骨脉之痺也靈樞經曰風從東方來名曰嬰兒風其傷人也外在筋紐

內舍於肝風從東南來者名曰弱風其傷人也外在於肌內舍於胃風從南方來名曰大弱風其傷人也外在

於脉內舍於心風從西南來名曰謀風其傷人也外在於肉內舍於脾風從西方來名曰剛風其傷人也外在

於皮內舍於肺風從西北來名曰折風其傷人也外在於手太陽之脉內舍於小腸風從北方來名曰大剛風

其傷人也外在於骨內舍於腎風從東北來名曰凶風其傷人也外在於掖脇內舍於大腸又痺論曰以春甲

乙傷於風者為筋痺以夏丙丁傷於風者為脉痺以秋  
庚辛傷於風者為皮痺以冬壬癸傷於邪者為骨痺以  
至陰遇此者為肉痺是所謂八風五痺之病也  
正云按此注引痺論今經中痺論不如此當云風論曰  
以春甲乙傷於風者為肝風以夏丙丁傷於風者為心  
風季夏戊己傷於邪者為脾風以秋庚辛中於邪者為  
肺風以冬壬癸中於邪者為腎風痺論曰風寒濕三氣  
雜至合而為痺以冬遇此者為骨痺以春遇此者為筋  
痺以夏遇此者為脉痺以至陰遇  
此者為肌痺以秋遇此者為皮痺十日不已治以草蘇  
草萎之枝本末為助標本已得邪氣乃服也草蘇謂藥煎  
根也枝謂莖也言以諸藥根苗合成其煎俾相佐助而  
以服之凡藥有用根者有用莖者有用枝者有用華實  
者有用根莖枝華實者湯液不去則盡用之故云本末  
為助也標本已得邪氣乃服者言工人與病主療相應

則邪氣率服而隨時順也湯液醪醴論曰病為本工為標標本不得邪氣不服此之謂主療不相應也或謂取

標本論末云鍼也新校正云按全元起本又云得其標本邪氣乃散矣暮世之治病也則

不然治不本四時不知日月不審逆從四時之氣各有所在不本其處

而即妄攻是反古也四時刺逆從論曰春氣在經脈夏氣在孫絡長夏氣在肌肉秋氣在皮膚冬氣在骨髓工

當各隨所在而辟伏其邪爾不知日月者謂日有寒溫明暗月有空滿虧盈也八正神明論曰凡刺之法必候

日月星辰四時八正之氣氣定乃刺之是故天溫日明則人血淖液而衛氣浮故血易寫氣易行天寒日陰則

人血凝泣而衛氣沈月始生則血氣始精衛氣始行月郭滿則血氣盛肌肉堅月郭空則肌肉減經絡虛衛氣

去形獨居是以因天時而調血氣也是故天寒無刺天溫無凝月生無寫月滿無補月郭空無治是謂得時而

調之因天之序盛虛之時移光定位正立而待之故曰月生而寫是謂藏虛月滿而補血氣盈溢絡有留血命曰重實月郭空而治是謂亂經陰陽相錯真邪不別沈以留止外虛內亂淫邪乃起此之謂也不審逆從者謂不審量其病可治與病形已成乃欲微鍼治其外湯液不可治故下文曰

治其內

言心意粗略不精審也

粗工充充以為可攻故病未已新

病復起

粗謂粗略也充充謂不料事宜之可否也何以言之假令飢人形氣羸劣食令極飽能不霍乎

豈其與食而為惡邪蓋為失時復過節也非病逆鍼石湯液失時過節則其害反增矣 新校正云按別本霍

一作 帝曰願聞要道歧伯曰治之要極無失色脉用之

不惑治之大則

惑謂惑亂則謂法則也言色脉之應昭然不欺但順用而不亂紀綱則治病審

當之大逆從到行標本不得亡神失國逆從到行謂反順為逆標本不

法也得謂攻病失宜也以反理到行所為非順豈唯治人而神氣受害若使之輔佐君主亦令國祚不保康寧矣

去故就新乃得真人標本不得攻病失宜則當去故逆理之人就新明悟之士乃得至真

精曉之人以全已也帝曰余聞其要於夫子矣夫子言不離色脉

此余之所知也歧伯曰治之極於一帝曰何謂一歧伯

曰一者因得之因問而得之也帝曰奈何歧伯曰閉戶塞牖繫

之病者數問其情以從其意問其所欲而察是非也得神者昌失

神者亡帝曰善

湯液醪醴論篇第十四

新校正云按全元起本在第五卷

黃帝問曰為五穀湯液及醪醴奈何

液謂清液醪醴謂酒之屬也

岐

伯對曰必以稻米炊之稻薪稻米者完稻薪者堅

堅謂資其

堅勁完謂取其完全完全則酒清冷堅勁則氣迅疾而効速也

帝曰何以然

言何以能完堅邪

岐伯曰此得天地之和高下之宜故能至完伐取得時

故能至堅也

夫稻者生於陰水之精首戴天陽之氣二者和合然乃化成故云得天地之和而能

至完秋氣勁切霜露凝結稻以冬採故云伐取得時而能至堅

帝曰上古聖人作湯液

醪醴為而不用何也岐伯曰自古聖人之作湯液醪醴

者以為備耳

言聖人愍念生靈先防萌漸陳其法以備不虞耳

夫上古作湯液

故為而弗服也

聖人不治已病治未病故但為備用而不服也

中古之世道德

稍衰邪氣時至服之萬全

雖道德稍衰邪氣時至以心猶近道故服用萬全也

曰今之世不必已何也

言不必已如古之世何也

中岐伯曰當今之世

必齊毒藥攻其中鑱石鍼艾治其外也

言法殊於往古也帝曰

形弊血盡而功不立者何岐伯曰神不使也帝曰何謂

神不使岐伯曰鍼石道也

言神不能使鍼石之妙用也何者志意違背於師示故也

精神不進志意不治故病不可愈

動離於道耗散天真故爾新校正云按

全元起本云精神進志意定故病可愈  
太素云精神越志意散故病不可愈  
今精壞神去榮

衛不可復收何者嗜欲無窮而憂患不止精氣弛壞榮

泣衛除故神去之而病不愈也

精神者生之源榮衛者氣之主氣主不輔生源

復消神不內居病何能愈哉

帝曰夫病之始生也極微極精必先入

結於皮膚今良工皆稱曰病成名曰逆則鍼石不能治

良藥不能及也今良工皆得其法守其數親戚兄弟遠

近音聲日聞於耳五色日見於目而病不愈者亦何暇

不早乎

新校正云按別本暇一作謂

歧伯曰病為本工為標標本不



得邪氣不服此之謂也

言醫與病不相得也然工人或親戚兄弟該明情疑勿用工先

備識不謂知方鍼艾之妙靡容藥石之攻匪預如是則道雖昭著萬舉萬全病不許治欲奚為療五藏別論曰

拘於鬼神者不可與言至德惡於鍼石者不可與言至巧病不許治者病必不治治之無功此皆謂工病不相

得邪氣不賓服也豈惟鍼艾之有惡哉藥石亦有之矣新校正云按移精變氣論曰標本已得邪氣乃服

帝曰其有不從毫毛而生五藏陽以竭也

新校正云按全元起本及

太素陽作傷義亦通津液充郭其魄獨居孤精於內氣耗於外形

不可與衣相保此四極急而動中是氣拒於內而形施

於外治之奈何

不從毫毛言生於內也陰氣內盛陽氣竭絕可得入於腹中故言五藏陽以竭

也津液者水也充滿也郭皮也陰穡於皮郭充大脹滿  
工攻於肺肺氣孤危魄者肺神腎為水害子不救母故  
云其魄獨居也夫陰精損削於內陽氣耗滅於外則三  
焦閉溢水道不通水滿皮膚身體否腫故云形不可與  
衣相保也凡此之類皆四支脉數急而內鼓動於肺中  
也下動者謂氣急而效也言如是者皆水氣格拒於腹  
膜之內浮腫施張於身形之外欲窮標本其可得乎四  
極言四末則四支也左傳曰風淫末疾靈樞經曰陽受  
氣於四末新校正云新校正云云詳形施於外疑誤歧伯曰平治於權衡去宛陳莖  
新校正云按微動四極温衣繆刺其處以復其形開鬼  
門潔淨府精以時服五陽已布踈滌五藏故精自生形  
自盛骨肉相保巨氣乃平平治權衡謂察脉浮沈也脉  
浮為在表脉沈為在裏在裏

者泄之在外者汗之故下次云開鬼門滌淨府也去宛  
陳莖謂去積久之水物猶如草莖之不可久留於身中  
也全本作草莖微動四極謂微動四支今陽氣漸以宣  
行故又曰溫衣也經脉滿則絡脉溢絡脉溢則繆刺之  
以調其絡脉使形容如舊而不腫故云繆刺其處以復  
其形也開鬼門是啓玄府遣氣也潔淨府謂寫膀胱水  
去也脉和則五精之氣以時賓服於腎藏也五陽是五  
藏之陽氣也然五藏之陽漸而宣布五藏之外氣穢復  
除也如是故精髓自生形肉自盛藏府既和則  
骨肉之氣更相保抱大經脉氣然乃平復爾 帝曰善

玉版論要篇第十五

新校正云按全元起本在第二卷

黃帝問曰余聞揆度奇恒所指不同用之奈何歧伯對  
曰揆度者度病之淺深也奇恒者言奇病也請言道之

至數五色脉變揆度竒恒道在於一

一謂色脉之應也知色脉之應則可

以揆度竒恒矣云按全元起本請作謂

新校正

神轉不回回則不轉乃失其

機

血氣者神氣也八正神明論曰血氣者人之神不可不謹養也夫血氣應順四時逸運因王循環五氣無

相奪倫是則神轉不回也回謂却行也然血氣隨王不合却行却行則反常反常則回而不轉也回而不轉乃

失生氣之機矣何以明之夫木衰則火王火衰則土王土衰則金王金衰則水王水衰則木王終而復始循環

此之謂神轉不回也若木衰水王水衰金王金衰土王土衰火王火衰木王此之謂回而不轉也然反天常執

生之何有耶

至數之要迫近

以微

言五色五脉變化之要道迫近於天常而又微妙

著之玉版命曰合玉機

玉機篇名也言以此回轉之要旨著之玉版合同於玉機論文

也新校正云詳道之至數至此容色見上下左右各

在其要

謂他氣也餘藏率如此例所見皆在明堂上下

左右要察候處故云各在其要新校正云按其色見

淺者湯液主治十日已

色淺則病輕

其見深者必齊主

治二十一日已

色深則病甚故必終齊乃已

其見大深者醪酒主治

百日已

病深甚

色天面脫不治

色見大深魚之夭惡百

日盡已

色不天面不脫治之百日盡可已

新校正云

脉短氣絕死

脉短已虛加之新絕

病温虛甚死

甚虛而

氣內潤其色見上下左右各在其要上為逆下為從見

精血故死於下者病生之氣也故從色見於上者傷神之兆也故逆女子右為逆左為從男子

左為逆右為從左為陽故男子右為從而左為逆右為陰故女子右為逆而左為從易重

陽死重陰死男子色見於左是曰重陽女子色見於右是變易也男子色見於左是曰重陰

是曰重陰氣極則反故皆死也陰陽反他新校正云按陰陽應象大論云陰陽反作治在權

衡相奪奇恒事也揆度事也權衡相奪謂陰陽二氣不得高下之宜是奇於恒常

之事當揆度其氣搏脉痺躄寒熱之交脉擊搏於手而隨宜而處療之病痺痺及孽躄

者皆寒熱之氣交所為脉孤為消氣虛泄為奪血非邪氣虛實之所生也脉夫

有表無裏有裏無表皆曰孤亡之氣也若孤為逆虛為

從孤無所依故曰逆行奇恒之法以太陰始恒之法先

以氣口太陰之脉定四時之行所不勝曰逆逆則死木

正氣然後度量奇恒之氣也

金脉金見火脉火見水脉水見土脉土見木脉木見金脉

是皆行所不勝也故曰逆賊勝不已故逆則死焉

勝曰從從則活木見水脉水見火脉火見土脉土見金脉

如無所尅殺傷敗故從則活也八風四時之勝終而復

始以不越於五行故雖相逆行一過不復可數論要畢

矣過謂遍也然逆行一過遍於五氣者不復可數為平和矣

診要經終論篇第十六

新校正云按全元起本在第二卷

黃帝問曰診要何如歧伯對曰正月二月天氣始方地

氣始發人氣在肝

方正也言天地氣正發生其萬物也木治東方王七十二日猶當三月節

後一十二日是木之用事以月三月四月天氣正方地而取則正月二月人氣在肝

氣定發人氣在脾

天氣正方以陽氣明盛地氣定發為萬物華而欲實也然季終土寄而王

土又生於丙五月六月天氣盛地氣高人氣在頭

天陽赫盛

地焰高升故言天氣盛地氣高火性炎上故人氣在頭也七月八月陰氣始殺人氣

在肺

七月三陰支生八月陰始肅殺故云陰氣始殺也然陰氣肅殺類合於金肺氣象金故人氣在肺也



九月十月陰氣始冰地氣始閉人氣在心陰氣始凝地氣始閉隨陽

而入故人氣在心十一月十二月冰復地氣合人氣在腎深復陽氣

故氣在腎也夫氣之變也故發生於木長茂於土盛高而上肅殺於金避寒於火伏藏於水斯皆隨順陰陽氣之升沈也五藏生成篇曰五藏之象可以類推此之謂氣類也故春刺散俞及與分理

血出而止散俞謂問穴分理謂肌肉分理新校正云按四時刺逆從論云春氣在經脉此散俞即

經脉之俞也又水熱穴論云春取絡脉分肉甚者傳氣間者環也辨疾氣之間甚也傳

謂相傳環謂循環也相傳則傳所不勝循環則周迴於五氣也新校正云按太素環也作環已夏刺

絡俞見血而止盡氣閉環痛病必下盡氣謂出血而盡下取所病脉盛

邪之氣也邪氣盡已穴俞閉密則經脉循環而痛病之氣必下去矣以陽氣大盛故為是法刺之新校正云

按四時刺逆從論云夏氣在孫絡此絡俞即秋刺皮膚孫絡之俞也又水熱穴論云夏取盛經分腠

循理上下同法神變而止

循理謂循肌肉之分理也上謂手脉下謂足脉神變謂脉

氣變易與未刺時異也脉者神之用故爾言之新校正云按四時刺逆從論云秋氣在皮膚義與此合又水

熱穴論云取俞以寫陰邪取合以虛冬刺俞竅於分理陽邪皇甫士安云是始秋之治變

甚者直下間者散下

直下謂直爾下之散下謂散布下之新校正云按四時刺逆從論

云冬氣在骨髓此俞竅即骨髓之俞竅也又水熱穴論云冬取井榮皇甫士安云是未冬之治變也春夏

秋冬各有所刺法其所在春刺夏分脉亂氣微入淫骨

髓病不能愈令人不嗜食又且少氣心主脉故脉亂氣

主骨故下淫於骨髓也心火微則胃土不足故不嗜食而少氣也新校正云按四時刺逆從論云春刺絡脉

血氣外溢春刺秋分節孽逆氣環為欬嗽病不愈令人

時驚又且哭木受氣於秋肝主筋故刺秋分則筋孽也若氣逆環周則為欬嗽肝主驚故時驚肺

主氣故氣逆又且哭也新校正云按四時刺逆從論云春刺肌肉血氣環逆令人上氣也春刺冬

分邪氣著藏令人脹病不愈又且欲言語冬主陽氣伏藏故邪氣著

藏賢實則脹故刺冬分則令人脹也火受氣於冬心主言故欲言語也新校正云按四時刺逆從論云春刺

筋骨血氣內夏刺春分病不愈令人解墮肝養筋肝氣

解墮新校正云按四時刺逆從論夏刺秋分病不愈

令人心欲無言惕惕如人將捕之肝木為語傷秋分則肝木虛故恐如

人將捕之肝不足故欲無言而復恐也新校正云按四時刺逆從論云夏刺肌肉血氣內却令人善恐甲乙

經作夏刺冬分病不愈令人少氣時欲怒夏傷於腎肝

不足故令人少氣時欲怒也新校正云按四時刺逆從論云夏刺筋骨血氣上逆令人善怒秋刺春

分病不已令人惕然欲有所為起而忘之肝虛故也刺不當也

校正云按四時刺逆從論云秋秋刺夏分病不已令人

益嗜卧又且善寤神為之故令善寤新校正云按四

時刺逆從論云秋刺絡脉秋刺冬分病不已令人洒洒

氣不外行令人卧不欲動  
時寒陰氣上干故時寒也洒洒寒貌新校正云按冬

刺春分病不已令人欲卧不能眠而有見肝氣少故

能眠肝主目故眠而如見有物之形狀也新校正云

按四時刺逆從論云冬刺經脉血氣皆脱令人目不明

冬刺夏分病不愈氣上發為諸痺泄脉氣故也新校正云按四時刺逆從

論云冬刺絡脉血痺冬刺秋分病不已令人善渴肺氣不

氣外泄留為大痺  
渴新校正云按四時刺逆從論凡刺胃腹者必避五

藏心肺在兩上腎肝在兩下脾象土而居中故刺胃腹

去神去則死至中心者環死正氣行如環之一周則死也故不可不慎也正謂周十二辰也新校

正云按刺禁論云一日死其動為噫四時刺逆從論同此經闕刺中肝死日刺禁論云中肝五日死其動為語

四時刺逆從論同也中脾者五日死土數五也新校正云按刺

逆從論同中腎者七日死水成數六水數畢當至七日

新校正云按刺禁論云中腎六日死其動為噎欠中肺者

五日死金生數四金數畢當至五日而死一云三日死

死其動為欬四時刺逆從論同王注四時刺逆從論云此三論皆歧伯之言而不同者傳之誤也中馬

者皆為傷中其病雖愈不過一歲必死五藏之氣同主一年馬傷則五

藏之氣互相剋伐，刺避五藏者，知逆從也。所謂從者，馬

與脾腎之處不知者，反之。

腎者於脊，脾藏居中，馬連於脇際，知者為順，不知者反傷。

其刺胃腹者，必以布敷著之，乃從單布上刺。

形定則不誤中於五

藏也。

新校正云：按別本，慄一作慄，又作撒。

刺之不愈，復刺也。

要以氣至為効。

氣不至，无問其數，刺之氣刺鍼必肅。  
肅謂靜肅，所以候氣之存亡。 刺

腫搖鍼。

以出大膿血故。

經刺勿搖。

經氣不欲泄故。

此刺之道也。帝曰：願

聞十二經脉之終，奈何？

終謂盡也。

岐伯曰：太陽之脉，其終也。

戴眼反折，瘈瘲，其色白絕，汗乃出，出則死矣。

戴眼謂睛不轉而仰。

視也然足太陽脉起於目内眦上額交巔上從巔入絡  
腦運出別下項循肩髃内俠脊抵胛中其支別者下循  
足至小指外側手太陽脉起於手小指之端循臂上肩  
入缺盆其支別者上頰至目内眦抵足太陽  
新校正

云按甲乙經作斜絡於頰又其支別者從缺盆循頸  
上頰至目外眦  
新校正云按甲乙外經作兌故戴眼

反折瘳瘳色白絕汗乃出也絕汗謂汗暴出如少陽終  
珠而不流旋復乾也太陽極則汗出故出則死

者耳聾百節皆縱目眾絕系絕系一日半死其死也色

先青白乃死矣  
後其支別者從耳後入耳中出走耳前

手少陽脉其支別者從耳後亦入耳中出走耳前故終  
則耳聾目眾絕系也少陽主骨故氣終則百節縱緩色

青白者金木相薄也故見陽明終者口目動作善驚妄  
死矣眾謂直視如鶩貌



言色黃其上下經盛不仁則終矣

足陽明脉起於鼻交頰中下循鼻外入上

齒縫中還出俠口環脣下交承漿却循頤後下廉出大迎循頰車上耳前過客主人循髮際至額顙其支別者

從大迎前下人迎循喉嚨入缺盆下馬手陽明脉起於手循臂至肩 upper 出於柱骨之會上下入缺盆絡肺其支

別者從缺盆 upper 頸貫頰下入齒中還出俠口交人中左之右右之左上俠鼻軌抵足陽明

經軌作孔无抵足陽明四字故終則口目動作也口目動作謂目睽睽而鼓頷也胃病則惡人與火聞木音則

惕然而驚又罵詈罵詈而不避親踈故善驚妄言也黃者土色上謂手脉下謂足脉也經盛謂面目頸頷足跗

腕脛皆躁盛而動也不仁謂不知善惡如是者皆氣竭之徵也故終矣

長而垢腹脹閉上下不通而終矣

手少陰氣絕則血不流足少陰氣絕則骨

不更骨硬則斷上宣故齒長而積垢汗血壞則皮色死  
故面色如漆而不赤也足少陰脉從腎上貫肝鬲入肺

中手少陰脉起於心中出屬心系下鬲絡小腹故其終  
則腹脹閉上下不通也新校正云詳王注云骨不更

骨硬按難經及甲乙經云骨不濡則肉弗能著當太陰  
作骨不濡手少陰脉絡小腹甲乙經作脉絡小腸

終者腹脹閉不得息善噫善嘔廉入腹屬脾絡胃上鬲

手太陰脉起於中焦下絡大腸還循胃口上鬲屬肺故  
終則如是也靈樞經曰足太陰之脉動則病食則嘔腹

脹善嘔則逆逆則面赤嘔則氣逆故面赤新校正云  
噫也按靈樞經作善噫噫則嘔嘔則

逆不逆則上下不通不通則面黑皮毛焦而終矣嘔則  
上通

故但面赤不嘔則下已閉上復不通心氣外燔故皮毛  
焦而終矣何者足太陰脉支別者復從胃別上鬲注心

中由是則皮毛焦乃厥陰終者中熱噤乾善溺心煩甚  
心氣外燔而生也

則舌卷卵上縮而終矣

正足厥陰絡循脛上臍結於莖其  
正經入毛中下過陰器上抵小

腹俠胃上循喉嚨之後入頭額手厥陰脉起於胃中出  
屬心包故終則中熱噤乾善溺心煩矣靈樞經曰肝者

筋之合也筋者聚於陰器而脉絡於舌本故甚則舌卷  
卵上縮也又以厥陰之脉過陰器故爾 新校正云按

甲乙經臍作此十二經之所敗也 手三陰三陽足三陰  
三陽則十二經也敗

謂氣終盡而敗壞也 新校正云  
詳十二經又出靈樞經與素問

黃帝內經素問卷四

黃帝內經素問卷四釋文

異法方宜論躄

巨躄切

砭

普廉切

緻

直利切

標

必克切

移精變氣

論芟

古哀切  
草根也

湯液醪醴論

勞音

莖

音判  
斬也

滌

音迪

穢

音畏

玉板論

度

徒各切

躄

必益切

診要經終論傲

古克切

癢

音縱

眾

音瓊

眇

附音

黃帝內經素問卷四釋文

欽定四庫全書

黃帝內經素問卷五

唐 王冰 次注

宋 林億等校正

脉要精微論

平人氣象論

脉要精微論篇第十七

新校正云按全元起本在第六卷

黃帝問曰診法何如岐伯對曰診法常以平旦陰氣未

動陽氣未散飲食未進經脉未盛絡脉調勻氣血未亂

故乃可診有過之脉

動謂動而降卑散謂散布而出也過謂異於常候也 新校正云按

脉經及千金方有過之脉作過此非也王注陰氣未動謂動而降卑按金匱真言論云平旦至日中天之陽陽中之陽也則平旦為一日之中純陽之時陰氣未動耳何有降卑之義切脉動靜而視精

明察五色觀五藏有餘不足六府強弱形之盛衰以此

參伍決死生之分

切謂以指切近於脉也精明穴名也在明堂左右兩目內眥也以近於目

故曰精明言以形氣盛衰脉之多少視精明之間夫脉氣色觀藏府不足有餘參其類伍以決死生之分

者血之府也

府聚也言血之多少皆聚見於經脉之中也故刺志論曰脉實血實脉虛血虛此其

常也反此者長則氣治短則氣病數則煩心大則病進

夫脉長為氣和故治短為不足故病數急為熱故煩心大為邪盛故病進也長脉者往來長短脉者往來短數



脉者往來急速大

上盛則氣高

新枝正云按全元起本高作禹

下盛則

氣脹代則氣衰細則氣少

新枝正云按太素細作滑

瀦則心痛

上謂寸口

下謂尺中盛謂盛滿代脉者動而中止不能自還細脉者動如莠蓬瀦脉者往來時不利而蹇瀦也

渾渾

革至如涌泉病進而色弊絲絲其去如弦絕死

渾渾言脉氣濁

亂也革至者謂脉來弦而大實而長也如涌泉者言脉汨汨但出而不返也絲絲言微微似有而不甚應手也

如弦絕者言脉卒斷如弦之絕去也若病候日進而色弊惡如此之脉皆必死也 新枝正云按甲乙經及脉

經作渾渾革革至如涌泉病進而色弊弊綽綽其去如弦絕者死

夫精明五色者氣之

華也

五氣之精華者上見為五色變化於精明之間也六節藏象論曰天食人以五氣五氣入臍藏於心

肺上使五色脩明此則明察五色也

赤欲如白裏朱不欲如赭白欲如鷲

羽不欲如鹽

新校正云按甲乙經作白欲如白壁之澤不欲如堊太素兩出之

青欲如

蒼壁之澤不欲如藍黃欲如羅裏雄黃不欲如黃土黑

欲如重漆色不欲如地蒼

新校正云按甲乙經作炭色

五色精微象

見矣其壽不久也

赭色鹽色藍色黃土色地蒼色見者皆精微之敗象故其壽不久

夫

精明者所以視萬物別白黑審短長以長為短以白為

黑如是則精衰矣

誠其誤也夫如是者皆精明衰乃誤也

五藏者中之守

也

身形之中五神安守之所也此則明觀五藏也

新校正云按甲乙經及太素守作府中盛藏

滿氣勝傷恐者聲如從室中言是中氣之濕也

中謂腹中盛謂

氣盛藏謂肺藏氣勝謂勝於呼吸而喘息變易也夫腹中氣盛肺藏充滿氣勝息變善傷於恐言聲不發如在

室中者皆腹中言而微終日乃復言者此奪氣也

若言音微

細聲斷不續甚奪其氣乃如是也衣被不斂言語善惡不避親踈者此

神明之亂也倉廩不藏者是門戶不要也

倉廩謂脾胃門戶謂魄門

靈蘭秘典論曰脾胃者倉廩之官也五藏別論曰魄門亦為五藏使水穀不得久藏也魄門則肛門也要謂禁

要水泉不止者是膀胱不藏也

水泉謂前陰之流注也

得守者生

失守者死

夫如是倉廩不藏氣勝傷恐衣被不斂水泉不止者皆神氣得居而守則生失其所守則

死也夫何以知神氣之不守耶衣被不斂言語善惡不避親踈則亂之證也亂甚則不守於藏也夫五

藏者身之強也

藏安則神守神守則身強故曰身之強也

頭者精明之府頭

傾視深精神將奪矣背者胃中之府背曲肩隨府將壞

矣腰者腎之府轉搖不能腎將憊矣膝者筋之府屈伸

不能行則僂附

新校正云按別本附一作俯太素作跗

筋將憊矣骨者髓

之府不能久立行則振掉骨將憊矣

皆以所居所由而為之府也

得

強則生失強則死

強謂中氣強固以鎮守也

歧伯曰

新校正云詳此歧伯曰前无問

反四時者有餘為精不足為消應太過不足為精應不

足有餘為消陰陽不相應病名曰關格

廣陳其脉應也夫反四時者諸

不足皆為血氣消損諸有餘皆為邪氣勝精也陰陽之氣不相應合不得相營故曰關格也

帝曰脉

其四時動柰何知病之所在柰何知病之所變柰何知

病乍在內柰何知病乍在外柰何請問此五者可得聞

乎

言欲順四時及陰陽相應之狀候也

歧伯曰

新校正云詳此對與問不甚相應脉四時動病之所

在病之所變按文頗對病在內在外之說後文殊不相當

請言其與天運轉大也

指

見陰陽之運轉以明陰陽之不可見也

萬物之外六合之內天地之變陰

陽之應彼春之暖為夏之暑彼秋之忿為冬之怒四變

之動脈與之上下

六合謂四方上下也春暖為夏暑言陽生而至盛秋忿為冬怒言陰少而

之壯也忿一為急言秋氣勁急也  
新校正云按全元起注本暖作緩

以春應中規

春脈

輕虛而滑如規之象中規

夏應中矩

夏脈洪大兼之滑數如矩之象可正平之

故以夏

秋應中衡

秋脈浮毛輕濇而散如秤衡之象高下必平故以秋應中衡

冬應

中權

冬脈如石魚沉而滑如秤權之象下遠於衡故以冬應中權也

處如此爾此則隨陰陽之氣故有斯四應不同也

是故冬至四十五日陽氣微

上陰氣微下夏至四十五日陰氣微上陽氣微下陰陽

有時與脈為期期而相失知脈所分分之有期故知死

時察陰陽升降之準則知經脉遞遷之象審氣候遞遷之失則知氣血分合之期分期不差故知人死之時

節微妙在脉不可不察察之有紀從陰陽始推陰陽升降精微妙

用皆在經脉之氣候是以不可不始之有經從五行生察故始以陰陽為察候之綱紀

生之有度四時為宜言始所以知有經脉之察候司應者何哉蓋從五行衰王而為準度

也徵求太過不及之形診皆以應四時者為補寫勿失生氣所宜也新校正云按太素宜作數

與天地如一有餘者馮之不足者補之是則應天地之常道也然天地之道損有餘而補不足是

法天地之道也寫補之宜得一之情以知死生曉天地工切審之其治氣亦然

寫不差既得一情亦是故聲合五音色合五行脉合陰可知生死之準的

陽聲表宮商角徵羽故合五音色見青黃赤白黑是知

陰盛則夢涉大水恐懼陰陰為水故夢涉水而恐懼也陽

盛則夢大火燔灼陰陽應象大論曰火為陽陰陽俱

盛則夢相殺毀傷亦類交爭之氣象也上盛則夢飛下盛則夢墮

甚飽則夢子內有餘故甚飢則夢取內不足故

肝氣盛則夢怒肝在志為怒肺氣盛則夢哭肺聲哀故為哭

是知陰盛則夢涉大水恐懼至此乃靈樞之文誤置於斯仍少心脾腎氣盛所夢今具甲乙經中短蟲

多則夢聚眾身中短蟲多長蟲多則夢相擊毀傷長蟲動則



內不安內不安則神躁擾故夢是矣  
新校正  
是故持

脈有道虛靜為保  
前明脈應此舉持脈所由也然持脈之道必虛其心靜其志乃保定盈虛

而不失  
新校正云  
春日浮如魚之游在波  
雖出猶夏未全浮

日在膚泛泛乎萬物有餘  
泛泛平貌陽氣太盛脈氣亦象萬物之有餘易取而洪大

也  
秋日下膚蟄蟲將去  
隨陽氣之漸降故曰下膚何以明陽氣之漸降蟄蟲將欲藏去

也  
冬日在骨蟄蟲周密君子居室  
在骨言脈深沉也蟄蟲周密言陽氣伏藏

君子居室  
此人事也  
故曰知內者按而紀之  
知內者謂知脈氣也故按而為之綱紀

知外者終而始之  
知外者謂知色象故以五色終而復始  
此六者持脈之

大法

見是六者然後可以知脉之遷變也  
正云詳此前對帝問脉其四時動奈何之事

心脉

搏堅而長當病舌卷不能言

搏謂搏擊於手也諸脉搏堅而長者皆為勞心而藏

脉氣虛極也心手少陰脉從心系上

其奕而散者當消

環自己

諸脉奕散皆為氣實血虛也消謂消散環謂環周言其經氣如環之周當其火王自消散也

新校正云按甲乙經環作渴

肺脉搏堅而長當病唾血

肺虛極則絡逆絡逆則血

泄故唾

其奕而散者當病灌汗至今不復散發也

汗泄

津液奔湊寒水灌洗皮密汗藏因灌汗藏故言灌汗至今不復散發也灌謂灌洗盛暑多為此也  
新校正云

詳下文諸藏各言色而心肺二藏不言色者疑闕文也

肝脉搏堅而長色不青當

病墜若搏因血在脅下令人喘逆

諸脉見本經之氣而色不應者皆非病從

内生是外病來勝也夫肝藏之脉端直以長故言曰色不青當病墜若搏也肝主兩脇故曰因血在脇下也肝厥陰脉布脇肋循喉嚨之後其支別者復從肝別貫膈上注肺今血在脇下則血氣上熏於肺故令人喘逆也

其奕而散色澤者當病溢飲溢飲者渴暴多飲而易入

肌皮腸胃之外也

面色浮澤是為中濕血虛中濕水液不消故言當病溢飲也以水飲滿溢

故滲溢易而入肌皮腸胃之外也

新校正云按甲乙經易作溢

胃脉搏堅而長其色

赤當病折髀

胃虛色赤火氣牧之心象於火故色赤也胃陽明脉從氣衝下髀抵伏兔故病則髀

如折

其奕而散者當病食痺

痺痛也胃陽明脉其支別者從大迎前下人迎循喉

嗽入缺盆下馬屬胃絡脾故食則痛悶而氣脾脉搏堅不散也新校正云詳謂痺為痛義則未通

而長其色黃當病少氣脾虛則肺無所養肺主氣故少氣也其奕而散色

不澤者當病足鼈腫若水狀也色氣浮澤為水之候色不潤澤故言若水狀也

脾太陰脉自上内踝前廉上踰内循胛骨後交出腎脉厥陰之前上循膝股内前廉入腹故病足胛腫也

搏堅而長其色黃而赤者當病折腰色氣黃赤是心脾干腎腎受客陽故

腰如折也腰為腎府故病發於中其奕而散者當病少血至今不復也

腎主水以生化津液今腎氣不化故當病少血至今不復也帝曰新校正云詳帝曰至以其勝治之愈

全元起本在湯液篇診得心脉而急此為何病病形何如歧伯曰

病名心疝少腹當有形也

心為牡藏其氣應陽今脉反寒故為疝也諸脉動急者皆

為寒形謂病形也

帝曰何以言之歧伯曰心為牡藏小腸為之

使故曰少腹當有形也

少腹小腸也靈蘭秘典論曰小腸者受盛之官以其受盛故形

居于內也帝曰診得胃脉病形何如歧伯曰胃脉實則脹虛

則泄

脉實者氣有餘故脹滿脉虛者氣不足故泄利帝曰

病成而變何謂歧伯曰風成為寒熱

生氣通天論曰因於露風乃生寒熱

故風成為寒熱也

痺成為消中

痺謂濕熱也熱積於內故變為消中也消中之證善食而瘦

新校正云詳王注以善食而瘦為消中按本經多食數溲為之消中善食而瘦乃是食你之證當云善食而溲

數厥成為巔疾

厥謂氣逆也氣逆上而不已則變為上巔之疾也

久風為殮泄

久風不變但在胃中則食不化而泄利也以肝氣內合而乘胃故為是病焉陰陽應象大論曰風氣通於肝故內應於肝也

脉風成為癘

經風論曰風寒客於脉而不去名曰癘風又曰癘者有榮氣熱附其

氣不清故使其鼻柱壞而色敗皮膚瘍潰然此則癘也夫如是者皆脉風成結變而為也

病之變化

不可勝數

新校正云詳此前對問知病之所變奈何

帝曰諸癰腫筋攣骨

痛此皆安生

安何也言岐伯曰此寒氣之腫八風之變何以生之

也

八風八方之風也然癰腫者傷東南西南風之變也筋攣骨痛者傷東風北風之變也靈樞經曰風從東

方來名曰嬰兒風其傷人也外在於肌風從西南來名曰謀風其

傷人也外在於肉風從北方來名曰大剛風其傷人也外在於骨由此四風之變而三病乃生故下問對是也

帝曰治之奈何歧伯曰此四時之病以其勝治之愈也

謂勝

勝剋也如金勝木木勝土土勝水水勝火火勝金此則相勝也帝曰有故病五藏發動

因傷脉色各何以知其久暴至之病乎

重以色氣明前五藏堅長之脉

有自病故病及因傷候也歧伯曰悉乎哉問也徵其脉小色不奪者

新病也

氣乏而神猶強也

徵其脉不奪其色奪者此久病也

持神

而邪凌其氣也徵其脉與五色俱奪者此久病也

神與氣俱衰也徵其

脉與五色俱不奪者新病也

神與氣俱強也

肝與腎脉並至其

色蒼赤當病毀傷不見血已見血濕若中水也

肝色蒼  
心色赤

赤色見當脉洪腎脉見當色黑今腎脉來反見心色故  
血因傷而血不見也若已見血則是濕氣及水在腹中

也何者以心腎脉色尺內兩傍則季脅也

尺內謂尺澤  
之內也兩傍

各謂尺之外側也季脅近腎尺  
主之故尺內兩傍則季脅也尺外以候腎尺裏以候

腹中

兩尺外謂尺之外側尺裏謂尺之內側也次尺外下  
兩傍則季脅之分季脅之上腎之分季脇之內則

腹之分也附上左外以候肝內以候膈

肝主膈  
責膈也右外以候胃

內以候脾

脾居中故以內候之  
胃為市故以外候之

上附上右外以候肺內

以候胃中

肺葉垂外故以外候之胃  
中主氣管故以內候之

左外以候心內以



候臆中

心主鬲中也臆中則氣海也噓也噓也校正云詳王氏以二中為噓也疑誤

新前以候

前後以候後

上前謂左寸口下前謂胃之前膈及氣海也上後謂右寸口下後謂胃之後背及氣

也管上竟上者胃喉中事也下竟下者少腹腰股膝脛足

中事也

上竟上至魚際也下竟下謂盡尺之脉動處也少腹脘氣海在膀胱腰股膝脛足中之氣動靜

皆分其近遠及連接處所龐大者陰不足陽有餘為熱

中也龐大謂脉洪大也脉洪為熱故曰熱中

來疾去徐上實下虛為厥巔

疾來徐去疾上虛下實為惡風也

亦脉狀也

故中惡風者陽

氣受也

以上虛故陽氣受也

有脉俱沈細數者少陰厥也

尺中之有脉沈

細數者是腎少陰氣逆也何者尺脉不當見數有數故言厥也俱沈細數者言左右尺中也 沈細數

散者寒熱也

陽干於陰陰氣不足故寒熱也正理論曰數為陽

浮而散者為眩

仆脉浮為虛散為不足氣虛而仆倒也 諸浮不躁者皆在陽則

為熱其有躁者在手

言大法也但浮不躁則病在足陽脉之中躁者病在手陽脉之中也

故又曰其有躁者在手也陽為火氣故為熱

諸細而沈者皆在陰則為骨痛

其有靜者在足

細沈而躁則病生於手陰脉之中靜者病生於足陰脉之中也故又曰其有靜

者在足也陰主骨故骨痛數動一代者病在陽之脉也洩及便膿血

代止也數動一代是陽氣之生病故言病在陽之脉所以然者以洩利及膿血脉乃爾 諸過者切

之濇者陽氣有餘也滑者陰氣有餘也

陽有餘則血少故脉濇陰有餘

則氣多故脉滑也云詳氣多疑誤當是

血多也

新校正陽氣有餘為身熱无汗陰

氣有餘為多汗身寒

血少氣多斯可知也陰陽有餘則无汗而寒

陽有餘无汗陰餘身寒若陰陽有餘則當无汗而寒也

推而外之內而不外有心腹

積也

脉附臂筋取之不審推筋令遠使脉外行內而不出外者心腹中有積乃爾

推而內之

外而不內身有熱也

脉遠臂筋推之令近遠而不推而近是陽氣有餘故身有熱也

上之上而不下胥足清也

推筋按之尋之而上脉上涌盛是陰氣有餘故腰足冷也

新校正云按甲乙經上而不下作下而不上

推而下之下而不上頭項痛也

推筋按之尋之而下脉沈下掣是陽氣有餘故頭項按痛也  
新校正云按甲乙經下而不上作上而不下

之至骨脉氣少者腰脊痛而身有痺也  
陰氣大過故爾

平人氣象論篇第十八

新校正云按全元起本在第一卷

黃帝問曰平人何如

平人謂氣候平調之人也

岐伯對曰人一呼脉

再動一吸脉亦再動呼吸定息脉五動閏以太息命曰

平人平人者不病也

經脉一周於身凡長十六丈二尺呼吸脉各再動定息脉又一動則

五動也計二百七十定息氣可環周然盡五十營以一萬三千五百定息則氣都行八百一十丈如是則應天

常度脉氣无不及太過常以不病調病人醫不病故為  
氣象平調故曰平人也

病人平息以調之為法人一呼脉一動一吸脉一動曰

少氣

呼吸脉各一動準候減平人之半計二百七十定息氣凡行八丈一尺以一萬三千五百定息氣都

行四百五丈少氣人一呼脉三動一吸脉三動而躁尺

熱曰病溫尺不熱脉滑曰病風脉濇曰痺

呼吸脉各三動準過平人

之半計二百七十息氣凡行二十四丈三尺病生之兆

白斯著矣夫尺者陰分位也寸者陽分位也然陰陽俱

熱是則為溫陽獨躁盛則風中陽也脉要精微論曰中

惡風者陽氣受也滑為陽盛故病為風濇為无血故為

痺痺也躁謂煩躁 新校正云按甲人一呼脉四動以

乙經无脉濇曰痺一向下文亦重

上曰死脉絕不至曰死乍踈乍數曰死

呼吸脉各四動準候過平人之

倍計二百七十息氣凡行三十二丈四尺況其以上耶  
脉法曰脉四至曰脫精五至曰死然四至以上亦近五  
至也故死矣然脉絕不至天真之氣已无乍數乍踈胃  
穀之精亦斲故皆死之候是以下文曰新校正云按  
別本斲一作敗平人之常氣稟於胃胃者平人之常氣也  
之常平

胃海致之靈樞經曰胃為水穀之海  
也正理論曰穀入於胃脉道乃行人无胃氣曰逆逆

者死  
常稟氣於胃脉以胃氣為本无胃氣曰逆逆者死

春胃微弦曰平  
言微似弦不謂微而弦也  
鉤及與弱毛石義並同  
弦多胃少曰

肝病但弦无胃曰死  
謂急而並勁如  
新張弓弦也  
胃而有毛曰秋病

毛秋脉  
金氣也  
毛甚曰今病  
木受金邪  
故今病  
藏真散於肝肝藏筋膜

之氣也

象陽氣之散發故藏真散也藏氣法時夏胃微論曰肝欲散急食辛以散之取其順氣

鈞曰平鈞多胃少曰心病但鈞无胃曰死

謂前曲後居如操帶鈞也

胃而有石曰冬病

石冬脉水氣也

石甚曰今病

火被水侵故今病

藏真

通於心心藏血脉之氣也

象陽氣之炎盛也藏氣法時論曰心欲奕急食鹹以奕之

取其順氣長夏胃微奕弱曰平弱多胃少曰脾病但代无胃

曰死

謂動而中止不能自還也

奕弱有石曰冬病

石冬脉水氣也次其勝剋石當為弦

長夏土絕故云石也

弱甚曰今病

弱甚為土氣不足故今病新校正云按甲乙經弱作石

藏

真濡於脾脾藏肌肉之氣也

以含藏水穀故藏真濡也

秋胃微毛曰

平毛多胃少曰肺病但毛无胃曰死

謂如物之浮毛而如風吹毛也

有弦曰春病

弦春脉木氣也次其來剋弦當為鈞金弦氣逼肝則脉弦來見故不鈞而反絃也

甚曰今病

木氣逆來乘金則今病

藏真高於肺以行榮衛陰陽也

肺處上焦故藏真高也靈樞經曰榮氣之道內穀為實穀入於胃氣傳與肺流溢於中而散於外精專者行於

經隧以其自肺宣布故云以行榮衛陰陽也冬胃微石曰平

石多胃少曰腎病但石无胃曰死

謂如奪索辟如彈石也

石而有

鈞曰夏病

鈞夏脉火兼土氣也次其來剋鈞當云弱土王長夏不見正形故石而有鈞兼其土也

鈞甚曰今病

水受火土之邪故今病

藏真下於腎腎藏骨髓之氣



也腎居下焦故云藏真下也腎化骨髓故藏骨髓之氣也胃之大絡名曰虛里貫

馬絡肺出於左乳下其動應衣脉宗氣也宗尊也主也謂十二經脉

之尊主也貫馬絡肺出於左乳下者自馬而出於乳下乃絡肺也盛喘數絕者則病在

中絕謂暫斷絕也結而橫有積矣絕不至曰死皆左乳下脉動狀也中謂腹中

也乳之下其動應衣宗氣泄也泄謂發泄按全元起本无此十一

字甲乙經亦无詳上下文義多此十一字當去欲知寸口太過與不及寸口之

脉中手短者曰頭痛寸口脉中手長者曰足脛痛短為陽氣

不及故病於頭長為寸口脉中手促上擊者曰肩背痛陰氣太過故病於足

陽盛於上故肩背痛寸口脉沈而堅者曰病在中寸口脉浮而盛

者曰病在外沈堅為陰故病在中浮盛為陽故病在外也寸口脉沈而弱曰

寒熱及疝瘕少腹痛沈為寒弱為熱故曰寒熱也又沈為陰盛弱為陽餘盛相薄正當

寒熱不當為疝瘕而少腹痛應古之錯簡爾云按甲乙經无此十五字况下文已有寸口脉沈而喘新校正

曰寒熱脉急者曰疝瘕少腹痛此文衍當去寸口脉沈而橫曰脇下有積腹

中有橫積痛亦陰氣內結也寸口脉沈而喘曰寒熱喘為陽吸沈為陰爭

故爭吸相薄也脉盛滑堅者曰病在外脉小實而堅者病在

內盛滑為陽小實為陰陰病病在內陽病病在外也脉小弱以濇謂之久病為小

氣虛瀆為无血血氣虛弱故云久遠之病也 脉滑浮而疾者謂之新病為滑浮

足脉疾為氣全陽足氣全故云新淺之病也 脉急者曰疝瘕少腹痛此覆前

腹痛之脉也言沈弱不必為疝瘕沈急乃與診相應 脉滑曰風脉濇曰痺陽受病

則為風濇為陰 陰受病則為痺 緩而滑曰熱中盛而緊曰脹 緩謂縱緩之狀非動

之遲緩也陽盛於中故脉滑緩寒氣否滿故脉盛緊也盛緊盛滿也 脉從陰陽病易已脉

逆陰陽病難已 脉病相應謂之從 脉得四時之順曰病 脉病相反謂之逆

无他脉反四時及不間藏曰難已 春得秋脉夏得冬脉 秋得夏脉冬得四季

脉皆謂反四時氣 臂多青脉曰脱血 血少脉空客寒因 不相應故難已也 入寒疑血汁故脉

色青尺脉緩濇謂之解

尺為陰部腹腎主之緩為熱中濇為无血熱而无血故解

也 色青尺脉緩濇謂之解 你並不可名之然寒不熱不熱弱不弱壯不壯你不可名謂之解你也脉要精微論曰尺外以候腎尺裏以

候腹中則腹腎主尺之義也

安卧脉盛謂之脫血

卧久傷氣氣傷則脉診應微今脉盛

而不微則血去而氣无所主乃兩盛謂數急而大鼓也

尺濇脉滑謂之多汗

謂之多汗 而尺脉滑也膚濇者榮血内涸脉滑為陽氣内餘血涸而陽氣尚餘多汗而脉乃如是也尺寒脉細

謂之後泄

尺主下焦診應腸腹故膚寒脉細泄利乃然脉法曰陰微即下言尺氣虛少

脉尺

麤常熱者謂之熱中

謂下焦中焦

肝見庚辛死

庚辛為金心伐肝木也

見壬癸死

壬癸為水滅心火也

脾見甲乙死

甲乙為木剋脾土也

肺見丙丁

死丙丁為火腎見戊巳死戊巳為土是謂真藏見皆死

此亦通明三部九候論中真藏脉見者勝死也尺蠱而藏見亦然頸脉動喘疾效曰水

水氣上溢則肺被熱熏陽氣上逆故頸脉盛鼓目裏微而欬喘也頸脉謂耳下及結喉傍人迎脉者也

腫如卧蠶起之狀曰水陰也腹者至陰之所居也故水

在腹中者必使目下腫也溺黃赤安卧者黃疸疸勞也腎勞胞熱故

謂之勞瘵以女勞得之也新校正云詳王注以疸已為勞義非若謂女勞得疸則可若以疸為勞非矣

食如飢者胃疸是則胃熱也熱則消面腫曰風腫則胃

風之診也何者胃陽明脉起足脛腫曰水是謂下焦有

於鼻交頰中下循鼻外故爾水也腎少陰

脉出於足心上循脛過陰股從腎  
上貫肝馬故下焦有水足脛腫也  
目黃者曰黃疸於上

熱積胃中陽氣上燻故目黃  
也靈樞經曰目黃者病在胃  
婦人手少陰新校正云按  
全元起本作

足少陰脉動甚者姪子也  
指動而應手者也靈樞經曰少

陰無輸心不病乎歧伯云其外經病而藏不病故獨取  
其經於掌後銳骨之端此之謂也動謂動脉也動脉者

大如豆厥厥動搖也正理論曰脉陰陽相薄名曰動也  
又經脉別論曰陰薄陽別謂之有子新校正云按經

脉別論中脉有逆從四時未有藏形春夏而脉瘦新按  
無此文

按玉機真藏謂春夏脉瘦  
論瘦作沈瀆秋冬而脉浮大命曰逆四時也

秋冬浮大不應時也大法春夏當浮大而反風新按正  
沈細秋冬當沈細而反浮大故曰不應時也

機真藏論  
風作病

熱而脉靜泄而脫血脉實

新校正云按玉機  
真藏論作泄而脉

大脱血  
而脉實

病在中脉虛病在外

新校正云按玉機  
論作脉實堅病在外

真藏脉

瀋堅者

新校正云按玉機  
藏論作脉不實堅者

皆難治

風熱當脉躁而反  
靜泄而脱血當脉

虛而反實邪氣在內當脉實而反虛病氣  
在外當脉虛滑而反堅瀋故皆難治也

命曰反四時

也皆反四時之氣乃如是矣  
新校正云詳命曰反四  
時也此六字應古錯簡當去自前未有藏形春夏至

此五十三字與後玉  
機真藏論文相重人以水穀為本故人絕水穀則死

脉無胃氣亦死所謂無胃氣者但得真藏脉不得胃氣

也所謂脉不得胃氣者肝不弦腎不石也

不弦不石皆  
謂不微似也

太陽脉至洪大以長

氣盛故能爾  
陰陽脉法云

太陽之脉洪大以長  
新校正云按扁鵲

其來浮於筋上動搖九分三月四月甲子王呂廣云少  
太陽王五月六月其氣太盛故其脉洪大而長也

陽脉至乍數乍踈乍短乍長

以氣有陽未暢者也  
校正云按扁鵲陰陽法云

新

少陽之脉乍小乍大乍長乍短動搖六分王十一月甲  
子夜半正月二月甲子王呂廣云少陽王正月二月其  
氣尚微故其脉陽明脉至浮大而短  
新校正云詳无也  
來進退无常

陰脉應古文關也按難經云大陰之至緊大而長少陰  
之至緊細而微厥陰之至沈短以敦呂廣云陽明王三

月四月其氣始萌未盛故其脉來浮大而短扁鵲陰陽  
脉法云少陰之脉緊細動搖六分王五月甲子日中七

月八月王太陰之脉緊細以長乘於筋上動搖九分九  
月十月甲子王厥陰之脉沈短以緊動搖三分十一月



十二月夫平心脉來累累如連珠如循琅玕曰心平脉

滿而盛微似珠形之類也夏以胃氣為本脉有胃氣則累累而微似連珠也

病心脉來喘喘連屬其中微曲曰心病曲謂中手而偃曲也新校正

云詳越人云咏咏連屬其中微曲曰腎病與素問異死心脉來前曲後居如操帶

鈞曰心死居不動也操執持也鈞謂革帶之鈞平肺脉來厭厭聶聶如落

榆莢曰肺平浮薄而虛者也新校正云詳越人云厭厭聶聶如循榆葉曰春平脉藹藹如車蓋

按之益大曰秋平脉與素問之說不同張仲景云秋脉藹藹如車蓋者名曰陽結春脉聶聶如吹榆莢者名曰

數恐越人秋以胃氣為本脉有胃氣則微似病肺脉來之說誤也

不上不下如循雞羽曰肺病

謂中火堅而兩傍虛

死肺脈來如物

之浮如風吹毛曰肺死

如物之浮瞥瞥然也

新校正云詳越人云

按之消索如風吹毛曰肺死

平肝脈來奕弱招招如揭長竿末梢曰

肝平

如竿末梢言長奕也

春以胃氣為本

脈有胃氣乃長奕如竿之末梢矣

病肝

脈來盈實而滑如循長竿曰肝病

長而不奕故若循竿

死肝脈來

急益勁如新張弓弦曰肝死

勁謂勁強急之甚也

平脾脈來和柔

相離如雞踐地曰脾平

言脈來動數相離緩急和而調

長夏以胃氣為

本胃少則病脾脈來實而盈數如雞舉足曰脾病

胃少故脈

故脈

實急矣舉足謂如雞走之舉足也  
新枝正云詳越人以為心病  
死脾脉來銳堅如鳥

之啄  
新枝正云按千金方作如雞之啄  
如鳥之距如屋之漏如水之流

曰脾死  
鳥啄距言銳堅也水流謂屋漏言其至  
平腎脉

來喘喘累累如鈎按之而堅曰腎平  
謂如心脉而鈎按之小堅爾  
新枝

正云按越人云其來上大下允濡滑如雀之啄曰平呂廣云上大者足太陽下允者足少陰陰陽得所為胃氣

強故謂之平雀啄者本大而末允也  
冬以胃氣為本  
胃少則不病腎脉來按亦堅也

如引葛按之益堅曰腎病  
形如引葛言不按且  
死腎脉

來發如奪索辟辟如彈石曰腎死  
發如奪索猶蛇之走辟辟如彈石言促又

也堅



黃帝內經素問卷五

黃帝內經素問卷五釋文

脉要精微論莠

音誘

汨

古切

沒

痺

都切

報

眇

音荀

又

平人氣象

象

象

象

象

論疝

音山

瘕

音賈

佻

音亦

儻

女耕切

喙

虛畏切

畏

畏

畏

畏

畏

畏

畏

畏

畏

畏

黃帝內經素問卷五釋文

欽定四庫全書

子部

黃帝內經素問卷六

七

詳校官太醫院思糧臣袁天錫

編修臣倉聖脈覆勣

總校官檢討臣何思鈞

校對官中書臣范鏊

謄錄監生臣曹方昇

欽定四庫全書

黃帝內經素問卷六

唐 王冰 次註

宋 林億等校正

王機真藏論

三部九候論

王機真藏論篇第十九

新校正云按全元起本在第六卷

黃帝問曰春脉如弦何如而弦歧伯對曰春脉者肝也東方木也萬物之所以始生也故其氣來奩弱輕虛而

滑端直以長故曰弦

言端直而長狀如弦也新校正云按越人云春脉弦者東方木也



萬物始生未有枝葉故其脉來濡弱而長四時經輕作寬

反此者病

反為反常平之候

帝曰

何如而反歧伯曰其氣來實而強此謂太過病在外其

氣來不實而微此謂不及病在中

氣餘則病形於外氣少則病在於中也

新校正云按呂廣云實強者陽氣盛也少陽當微弱今更實強謂之太過陽處表故令病在外厥陰之氣養於筋其脉弦今更虛微故曰不及陰處中故令病在內帝曰春脉太過與不及其病

皆何如歧伯曰太過則令人善忘忽忽眩冒而巔疾其

不及則令人胃脘痛引背下則兩脇胛滿

忽忽不與也眩謂目眩視如轉

也冒謂胃悶也胛謂腋下脇也忘當為怒字之誤也靈樞經曰肝氣實則怒肝厥陰脉自足而上入毛中又上

貫兩布脇肋循喉竈之後上入頤頰上出頤與督脉會於巔故病如是

新校正云按氣交變大論云木太過甚則忽忽善怒眩冒巔疾則忘當作怒帝曰善夏脉如鈞何如而鈞歧伯曰

夏脉者心也南方火也萬物之所以盛長也故其氣來

盛去衰故曰鈞

言其脉來盛去衰如鈞之曲也新校正云按越人云夏脉鈞者南方火也萬物

之所盛垂枝布葉皆下曲如鈞故其脉來疾去遲呂廣云陽盛故來疾陰虛故去遲脉從下上至寸口疾還尺

中遲也反此者病帝曰何如而反歧伯曰其氣來盛去亦

盛此謂太過病在外

其脉來盛去盛是陽之盛也心氣有餘是為太過

其氣來

不盛去反盛此謂不及病在中

新校正云詳越人肝心肺腎四藏脉俱以強實

為太過虛微為不及與素問不同 帝曰夏脉太過與不及其病皆何如

歧伯曰太過則令人熱而膚痛為浸淫其不及則令人

煩心上見欬唾下為氣泄

心少陰脉起於心中出屬心系下鬲絡小腸又從心系却

上肺故心太過則身熱膚痛而浸淫流布於形分不及則心煩上見欬唾下為氣泄 帝曰善秋脉

如浮何如而浮歧伯曰秋脉者肺也西方金也萬物之

所以收成也故其氣來輕虛以浮來急去散故曰浮

脉來

輕虛故名浮也來急以陽未沈下去散以陰氣上升也 新校正云按越人云秋脉毛者西方金也萬物之所終

草木華葉皆秋而落其枝獨在若毫毛也故其脉來輕虛以浮故曰毛 反此者病帝曰何

如而反歧伯曰其氣來毛而中央堅兩傍虛此謂太過  
病在外其氣來毛而微此謂不及病在中帝曰秋脉太  
過與不及其病皆何如歧伯曰太過則令人逆氣而背  
痛愠愠然其不及則令人喘呼吸少氣而欬上氣見血

下聞病音

肺太陰脉起於中焦下絡大腸還循胃口上  
馬屬肺從肺系橫出腋

息故氣盛則肩背痛氣逆不及則喘息變易呼吸少氣  
而欬上氣見血也下聞病音謂喘息則肺中有聲也

帝曰善冬脉如營何如而營

脉沈而深如營動也  
校正云詳深一作濡又作搏

按本經下文云其氣來沈以搏則深字當為搏又按甲  
乙經搏字為濡當從甲乙經為濡何以言之脉沈而濡

濡古軟字乃冬脉之平調脉若沈而搏擊於手  
則冬脉之太過脉也故言當從甲乙經濡字 歧伯曰

冬脉者腎也北方水也萬物之所以合藏也故其氣來

沈以搏故曰營

言沈而搏擊於手也

新校正云按甲乙經搏當作濡義如前說又越人云冬脉

石者北方水也萬物之所藏盛冬之時水凝如石故其脉來沈濡而滑故曰石也

反此者病帝

曰何如而反歧伯曰其氣來如彈石者此謂太過病在

外其去如數者此謂不及病在中帝曰冬脉太過與不

及其病皆何如歧伯曰太過則令人解休

新校正云按解休之義具

第五卷注 脊脉痛而少氣不欲言其不及則令人心懸如病

飢眇中清脊中痛少腹滿小便變

腎少陰脉自股內後廉貫脊屬腎絡膀胱

其直行者從腎上貫肝馬入肺中循喉嚨俠舌本其支別者從肺出絡心注胃中故病如是也眇者季脇之下

俠脊兩傍空軟處也腎外當眇故眇中清冷也帝曰善帝曰四時之序逆從之

變異也

脉春弦夏鈞秋浮冬營為逆順之變見異狀也

然脾脉獨何主

主謂主時月

歧伯曰脾脉者土也孤藏以灌四傍者也

納水穀化津液溉灌於肝

心肺腎也以不正主四時故謂之孤藏

帝曰然則脾善惡可得見之乎歧

伯曰善者不可得見惡者可見

不正主時寄王於四季故善不可見惡可見也

帝曰惡者何如可見歧伯曰其來如水之流者此謂太

過病在外如鳥之喙者此謂不及病在中

新校正云按平人氣象論

云如鳥之喙又別本喙作啄

帝曰夫子言脾為孤藏中央土以灌四

傍其太過與不及其病皆何如歧伯曰太過則令人四

支不舉

以主四支故病不舉

其不及則令人九竅不通名曰重強

脾之孤藏以灌四傍今病則五藏不和故九竅不通也八十一難經曰五藏不和則九竅不通重謂藏氣重疊

強謂氣不和順

帝瞿然而起再拜而稽首曰善吾得脉之大要

天下至數五色脉變揆度奇恒道在於一

瞿然忙貌也言以太過不

及而一貫之揆度奇恒皆通也

神轉不迴迴則不轉乃失其機

五氣循環不愆

時叙是為神氣流轉不迴若却行衰王反天之常氣至是則却迴而不轉由是却迴不轉乃失生氣之機矣

數之要迫近以微

得至數之要道則應用切近以微妙也迫切也

著之玉版藏

之藏府每旦讀之名曰玉機

著之玉版故以為名言是玉版生氣之機

新校正

云詳至數至名曰玉機與前玉版論要文相重彼注頗詳

五藏受氣於其所生傳之

於其所勝氣舍於其所生死於其所不勝病之且死必

先傳行至其所不勝病乃死

受氣所生者謂受病氣於已之所生者也傳所勝者

謂傳於已之所剋者也氣舍所生者謂舍於生已者也死所不勝者謂死於剋已者之分位也所傳不順故必

死此言氣之逆行也故死

所為逆者次如下說

肝受氣於心傳之



於脾氣舍於腎至肺而死心受氣於脾傳之於肺氣舍於肝至腎而死脾受氣於肺傳之於腎氣舍於心至肝而死肺受氣於腎傳之於肝氣舍於脾至心而死腎受氣於肝傳之於心氣舍於肺至脾而死此皆逆死也一日一夜五分之此所以占死生之早暮也

肝死於肺位秋庚辛餘四倣此

然朝主甲乙晝主丙丁四季上主戊巳晡主庚辛夜主壬癸由此則死生之早暮可知也

新校正云按甲乙經

生作者字云占死者之早暮詳此經文專為言氣之逆行也故死即不言生之早暮王氏改者作生義不若甲

乙經中素問本文

黃帝曰五藏相通移皆有次五藏有病則各

傳其所勝

以上文逆傳而死故言是逆傳所勝之次也  
新校正云詳逆傳所勝之次逆當作順上文

既言逆傳下文所言乃順傳之次也  
不治法三月若六月若三日若六日

傳五藏而當死是順傳所勝之次

三月者謂一藏氣之  
遷移六月者謂至其

所勝之位三日者三陽之數以合日也六日者謂兼三  
陰以數之爾熱論曰傷寒一日巨陽受二日陽明受三  
日少陽受四日太陰受五日少陰受六日厥陰受則義  
也  
新校正云詳上文是順傳所勝之次七字乃是次前  
注誤在此經文之下不惟无義兼校之全元起本素問  
及甲乙經並無此七字直去之慮未達者致疑今存于

注故曰別於陽者知病從來別於陰者知死生之期

主辨

三陰三陽之候則知中風邪氣之所不勝矣故下曰  
新校正云詳舊此段注寫作經合改為注又按陰陽別論

云別於陽者知病處也別於陰者知死生之期又云言別於陽者知病忌時別於陰者知死生之期義同此言

知至其所因而死

文曰死於其所不勝也上

是故風者百病

之長也

言先百病而有之

新校正云按

今風寒客於人

使人毫毛畢直皮膚閉而為熱

容謂容止於人形也風擊皮膚寒勝腠理故毫

毛畢直玄府閉密而熱生也

當是之時可汗而發也

邪在皮毛故可汗泄也陰陽應

象大論曰善治者治皮毛此之謂也

或痺不仁腫痛

病生而變故如是也熱中血氣則痺痺不

仁寒氣傷形故為腫痛陰陽應象大論云寒傷形熱傷氣氣傷痛形傷腫

當是之時可湯熨

及火灸刺而去之

皆謂釋散寒邪宣揚正氣

弗治病入舍於肺名曰

肺痺發欬上氣

邪入諸陰則病而為痺故入於肺名曰痺馬宣明五氣篇曰邪入於陽則狂邪

入於陰則痺肺在變動為欬故欬則氣上故上氣也弗治肺即傳而行之肝病名

曰肝痺一名曰厥脇痛出食

肺金伐木氣下入肝故曰弗治行之肝也肝氣逆膈

膈善為怒怒者氣逆故一名厥也肝厥陰脉從少腹屬肝絡膈上貫鬲布脇肋循喉嚨之後上入頰頰故脇痛而食入腹則出故曰出食當是之時可按若刺耳弗治肝傳之脾病

名曰脾風發痺腹中熱煩心出黃

肝氣應風木勝脾土土受風氣故曰脾風

蓋為風氣通肝而為名也脾之為病善發黃痺故發痺也脾太陰脉入腹屬脾絡胃上鬲俠咽連舌本散舌下其支別者復從胃別上鬲注心中故腹中熱而煩心出黃色於便寫之所也當此之時可按

可藥可浴弗治脾傳之腎病名曰疝瘕少腹寃熱而痛

出白一名曰蠱

腎少陰脉自股內後廉貫脊屬腎絡膀胱故少腹寃熱而痛澀出白液也寃熱

內結消鏹脂內如蠱之食日內損削故一名曰蠱

當此之時可按可藥弗治腎

傳之心病筋脉相引而急病名曰癰

腎不足則水不生水不生則筋燥急

故相引也陰氣內弱陽氣外燔筋脉受熱而自跳掣故名曰癰

當此之時可灸可藥弗

治滿十日法當死

至心而氣極則如是矣若復傳行當如下說

腎因傳之心

心即復反傳而行之肺發寒熱法當三歲死

因腎傳心心不受病

即而復反傳與肺金肺已再傷故寒熱也三歲者肺至腎一歲腎至肝一歲肝至心一歲火又乘肺故云三歲

死此病之次也謂傳勝之次第然其卒發者不必治於傳不必依傳

之次故不必以傳治之或其傳化有不以次不以次入者憂恐悲

喜怒令不得以其次故令人有大病矣憂恐悲喜怒發無常分觸遇則

發故令病氣亦不次而生因而喜大虛則腎氣乘矣喜則心氣移於肺心氣不守故

腎氣乘矣宣明五氣篇曰精氣并於心則喜怒則肝氣乘矣怒則氣逆故肝氣乘脾悲

則肺氣乘矣悲則肺氣移於肝肝氣受邪故肺氣乘矣宣明五氣篇曰精氣并於肺則悲恐

則脾氣乘矣恐則腎氣移於心腎氣不守故脾氣乘矣宣明五氣篇曰精氣并於腎則恐憂

則心氣乘矣憂則肝氣移於脾肝氣不守故心氣乘矣宣明五氣篇曰精氣并於肝則憂此

其道也

此其不次之常道

故病有五五五二十五變及其傳化

五藏相并而各五之五而乘之則二十五變也然其變化以勝相傳傳而不次變化多端 新校正云按陰陽別

論云凡陽有五五五 傳乘之名也 言傳者何相乘之異名爾 大骨枯

橐大肉陷下胷中氣滿喘息不使其氣動形期六月死

真藏脉見乃予之期日

皮膚乾著骨間肉陷謂大骨枯橐大肉陷下也諸附骨際及空

竅處亦同其類也胷中氣滿喘息不便是肺无主也肺司治節氣息由之其氣動形為无氣相接故聳舉肩背以遠求報氣矣夫如是皆形藏已敗神藏亦傷見是證者期後一百八十日內死矣候見真藏之脉乃與死日之期爾真藏脉診下 大骨枯橐大肉陷下胷中氣滿喘經備矣此肺之藏也

息不便內痛引肩項期一月死真藏見乃予之期日精火

外出陽氣上燻金受火災故內痛肩項如是者期後三十日內死此心之藏也大骨枯槁大肉

陷下胃中氣滿喘息不便內痛引肩項身熱脫肉破胭

真藏見十月之內死陰氣微弱陽氣內燻故身熱也胭

如破敗也見斯證者期後三百日內死大骨枯槁大肉

如破敗也見斯證者期後三百日內死陷下肩髓內消動作益衰真藏來見期一歲死見其真

藏乃予之期日肩髓內消謂缺益深也衰於動作謂交

五日內死此腎之藏也新校正云按全元起本及甲乙經真藏未見作來見來當作未字之誤也

大骨



枯槁大肉陷下胷中氣滿腹內痛心中不便肩項身熱

破腮脫肉目匡陷真藏見目不見人立死其見人者至

其所不勝之時則死

木生其火肝氣通心脉抵少腹上布脇肋備喉嚨之後上入顛顛故

腹痛心中不便肩項身熱破腮脫肉也肝主目故目匡陷及不見人立死也不勝之時謂於庚辛之月此肝之

也急虛身中卒至五藏絕閉脉道不通氣不往來譬於

墮溺不可為期

言五藏相移傳其不勝則可待真藏脉見乃與死日之期卒急虛邪中於身內

則五藏絕閉脉道不通氣不往來譬於墮陸沒溺不可與為死日之期也其脉絕不來若人

一息五六至其形肉不脫真藏雖不見猶死也

是則急虛卒至之脉

新校正云按人一息脉五六至何得為死必息字誤息當作呼乃是

真肝脉至中外急如

循刀刃責責然如按琴瑟絃色青白不澤毛折乃死真心脉至堅而搏如循薏苡子累累然色赤黑不澤毛折乃死真肺脉至大而虛如以毛羽中人膚色白赤不澤毛折乃死真腎脉至搏而絕如指彈石辟辟然色黑黃不澤毛折乃死真脾脉至弱而乍數乍疎色黃青不澤

毛折乃死諸真藏脉見者皆死不治也

新校正云按楊上善云无餘物

和雜故名真也五藏之氣皆胃氣和之不得獨用如至剛不得獨用獨用則折和柔用之即固也五藏之氣和

於胃氣即得長生若真獨見必死欲知五藏真見為死和胃為生者於寸口診即可知見者如弦是肝脉也微

弦為平和微弦謂二分胃氣一分弦氣俱動為微弦三分並是弦而无胃氣為見真藏餘四藏準此黃帝

曰見真藏曰死何也歧伯曰五藏者皆稟氣於胃胃者

五藏之本也胃為水穀之海故五藏稟焉藏氣者不能自致於手太

陰必因於胃氣乃至於手太陰也平人之常稟氣於胃胃氣者平人之常氣

故藏氣因胃乃能至於手太陰也新校正云詳平人之常至下平人之常氣本平人氣象論文王氏引注此經

按甲乙經云人常稟氣於胃脉以胃氣為本與此小異然甲乙之義為得故五藏各以其時

自為而至於手太陰也自為其狀至於手太陰也故邪氣勝者精氣

衰也故病甚者胃氣不能與之俱至於手太陰故真藏

之氣獨見獨見者病勝藏也故曰死

是所謂脉無胃氣也平人氣象論曰

人無胃氣曰逆逆者死

帝曰善

新校正云詳自黃帝問至此一段全元起本在第四卷太陰陽明表

裏篇中王冰移於此處必言此者欲明王氏之功於素問多矣

黃帝曰凡治病察其形

氣色澤脉之盛衰病之新故乃治之無後其時

欲必先時而取

之形氣相得謂之可治

氣盛形盛氣虛形虛是相得也

色澤以浮謂之

易已

氣色浮潤血氣相營故易已

脉從四時謂之可治

脉春弦夏鈞秋浮冬營謂

順四時從順也脉弱以滑是有胃氣命曰易治取之以時

候可取之

時而取之則萬舉萬全當以四時血氣所在而為療爾  
新校正云詳取之以時甲乙經作治之趨之無後其

時與王氏形氣相失謂之難治  
形盛氣虛氣盛形虛皆相失也色夭不

澤謂之難已  
天謂不明而惡不澤謂枯燥也脉實以堅謂之益甚  
脉實以堅

是邪氣盛故益甚也脉逆四時為不可治  
以氣逆故疾上四句是謂四難所以下文曰

必察四難而明告之  
此四粗之所易語工之所難為所謂逆四時者春

得肺脉夏得腎脉秋得心脉冬得脾脉其至皆懸絕沈

瀋者命曰逆四時  
春得肺脉秋來見也夏得腎脉冬來見也秋得心脉夏來見也冬得脾脉

春來見也懸絕謂如懸物之絕去也未有藏形於春夏而脉沈瀋  
新校正云按平

人氣象論云而秋冬而脉浮大名曰逆四時也未有謂

脉之形病熱脉靜泄而脉大脫血而脉實病在中脉實未有藏

堅病在外脉不實堅者皆難治皆難治者以其與證不相應也新校正云按平

人氣象論云病在中脉虛病在外脉瀉堅與此相反此經誤彼論為得自未有藏形春夏至此與平人氣象論

相重注義備於彼黃帝曰余聞虛實以決死生願聞其情歧伯

曰五實死五虛死五實謂五藏之實五虛謂五藏之虛帝曰願聞五實五

虛歧伯曰脉盛皮熱腹脹前後不通悶瞖此謂五實實謂

邪氣盛實然脉盛心也皮熱肺也腹脹脾也前後不通腎也悶瞖肝也脉細皮寒氣少泄

利前後飲食不入此謂五虛

虛謂真氣不足也然脉細心也皮寒肺也氣少肝也

泄利前後腎也飲食不入脾也

帝曰其時有生者何也歧伯曰漿粥入

胃泄注止則虛者活身汗得後利則實者活此其候也

全注飲粥得入於胃胃氣和調其利漸止胃氣得實虛者得活言實者得汗外通後得便利自然調平

三部九候論篇第二十

新校正云按全元起本在第一卷篇名決死生

黃帝問曰余聞九鍼於夫子衆多博大不可勝數余願

聞要道以屬子孫傳之後世著之骨髓藏之肝肺歎血

而受不敢妄泄

歎血飲血也

令合天道

新校正云按全元起本云令合天地

必

有終始上應天光星辰歷紀下副四時五行貴賤更互

冬陰夏陽以人應之奈何願聞其方

天光謂日月星也  
歷紀謂日月行歷

於天二十八宿三百六十五度之分紀也言以人形血  
氣榮衛周流合時候之遷移應日月之行道然斗極旋

運黃赤道差冬時日依黃道近南故陰多夏時日依黃  
道近北故陽盛也夫四時五行之氣以王者為貴相者

為賤歧伯對曰妙乎哉問也此天地之至數道貫精微  
故云妙問

至數謂至  
極之數也帝曰願聞天地之至數合於人形血氣通決

死生為之奈何歧伯曰天地之至數始於一終於九焉

九奇數也故天地  
之數斯為極矣一者天二者地三者人因而三之三



三者九以應九野

爾雅曰邑外為郊郊外為甸甸外為野

其遠也

新校正云詳王引爾雅為證與今爾雅或不同已具前六節藏象論注中

故人有三部

部有三候以決死生以處百病以調虛實而除邪疾

謂

三部者言身之上中下部非謂寸關尺也三部之內經  
隨由之故察候存亡悉因於是鍼之補寫邪疾可除也

帝曰何謂三部歧伯曰有下部有中部有上部部各有

三候三候者有天有地有人也必指而導之乃以為真

言必當結受於師也微四失論曰受師不卒妄作雜術  
謬言為道更名自功妄用砭石後遺身咎此其誠也禮

曰疑事無  
質質成也

上部天兩額之動脉

在額兩傍動應於手  
足少陽脉氣所行也  
上

部地兩頰之動脈

在鼻孔下兩傍近於巨髀之分動應於手足陽明脈氣之所行

上部

人耳前之動脈

在耳前陷者中動應於手少陽脈氣之所行也

中部天手太

陰也

謂肺脈也在掌後寸口中是謂經渠動應於手

中部地手陽明也

謂大腸脈也在

手大指次指歧骨間合谷之分動應於手也

中部人手少陰也

謂心脈也在掌後銳骨之

端神門之分動應於手也靈樞經持鍼縱捨論問曰少陰无輸心不病乎對曰其外經病而藏不病故獨取其經於掌後銳骨

下部天足厥陰也

謂肝脈也在毛際外之端正謂此也

五里之分卧而取之動應於手也女子取太衝在足大指本節後二寸陷中是

下部地足少陰

也

謂腎脈也在足內踝後跟骨上陷中大谿之分動應手

下部人足太陰也

謂脾脈也

在魚腹上趨筋間直五里下箕門之分寬鞏足單衣沈取乃得之而動應於手也候胃氣者當取足跗之上衝

陽之分穴中脉動乃應手也新校正云詳自上部天至此一段舊在當篇之末義不相接此正論三部九候宜

處於斯今依皇甫謐甲乙經編次例自篇末移置此也故下部之天以候肝足陰脉

行其中地以候腎足少陰脉人以候脾胃之氣足太陰脉

脾藏與胃以膜相連故以候脾兼候胃也帝曰中部之候奈何歧伯曰亦有

天亦有地亦有人天以候肺手太陰脉地以候胃中之

氣手陽明脉當其處也經云腸胃同候故以候胃中也人以候心手少陰脉當其處也帝曰

上部以何候之歧伯曰亦有天亦有地亦有人天以候

頭角之氣

位在頭角之分故以候頭角之氣也

地以候口齒之氣

位近口齒故以

之候

人以候耳目之氣

以位當耳前脉抵於目外皆故以候之

三部者各有

天各有地各有人三而成天

新校正云詳三而成天至合為九藏與六節藏

象論文重注義具彼篇

三而成地三而成人三而三之合則為九

九分為九野九野為九藏

以是故應天之至數

故神藏五形藏

四合為九藏

所謂神藏者肝藏魂心藏神脾藏意肺藏魄腎藏志也以其皆神氣居之故云神藏

五也所謂形藏者皆如器外張虛而不屈含藏於物故云形藏也所謂形藏四者一頭角二耳目三口齒四胃

中也新校正云詳注說神藏宣明五氣篇  
文又與生氣通天論注六節藏象論注重  
五藏已敗其

色必夭夭必死矣

夭謂死也 異常之候也 色者神之旗 藏者神之舍 故神去則藏敗 藏敗則

色見異常 之候死也

帝曰以候奈何岐伯曰必先度其形之肥瘦

以調其氣之虛實實則寫之虛則補之

度謂量也 實寫 虛補此所謂順

天之道也 老子曰天之 道損有餘補不足也

必先去其血脉而後調之無問

其病以平為期

血脉滿堅謂邪留止故先刺去血而後 乃調之不當詢問病者盈虛要以脉氣

平調為之 期準調

帝曰決死生奈何

度形肥瘦調氣盈虛不問 病人以平為準死生之證

以決 之也

岐伯曰形盛脉細少氣不足以息者危

形氣相反 故生氣至

危玉機真藏論曰形氣相得謂之可治今脉氣不足形 盛有餘證不相扶故當危也危者言其近死猶有生者

也刺志論曰氣實形實氣虛形虛此其常也反此者病  
今脉細少氣是為氣弱體壯盛是為形盛形盛氣弱故

生氣傾危新校正云按全元起注本及甲乙經脉經危作死形瘦脉大胃中多氣者

死是則形氣不足脉氣有餘也故死形瘦脉大胃中氣多形藏已傷故云死也凡如是類皆形氣不相得也

形氣相得者生參伍不調者病參謂參校伍謂類伍參校類伍而有不調謂不

率其常則病也三部九候皆相失者死失謂氣候不相類也相失之候診凡有七七診

之狀如下文云上下左右之脉相應如參春者病甚上下左右

相失不可數者死三部九候上下左右凡十八診也如參春者謂大數而鼓如參春杵之上

下也脉要精微論曰大則病進故病甚也不可數者謂一息十至已上也脉法曰人一呼而脉再至一吸脉亦

再至曰平三至曰離經四至曰脫精五至曰死六至曰命盡今相失而不可數者是過十至之外也至五尚死者乎

況至十 中部之候雖獨調與衆藏相失者死中部之候

相減者死

中部左右凡六診也上部下部已不相應中部獨調固非其久減於上下是亦氣衰故皆

死也減謂偏少也臣億等詳舊無中部之候相減者死八字按全元起注本及甲乙經添之且注有解減之說而經闕其文此脫 目內陷者死 言太陽也太陽之脉起於目內皆目內陷者太

陽絕也故死所以言太陽者太陽主諸陽之氣故獨言之 帝曰何以知病之所在歧

伯曰察九候獨小者病獨大者病獨疾者病獨遲者病

獨熱者病獨寒者病獨陷下者病

相失之候診凡有七者此之謂也然脉見七診

謂參伍不調隨其以左手足上去踝五寸按之庶右獨異以言其病爾

手足當踝而彈之

手足皆取之然手踝之上手太陰脉足踝之上足太陰脉足太陰脉主肉

應於下部手太陰脉主氣應於中部是以下文云脫肉身不去者死中部乍踈乍數者死臣億等按甲乙經及

全元起注本並云以左手足上去踝五寸而按之右手當踝而彈之全元起注云內踝之上陰交之出通於膀

腕係於腎腎為命門是以取之以明吉凶今文少一而字多一庶字及足字王注以手足皆取為解殊為穿鑿

當從全元起注舊本及甲乙經為正其應過五寸以上蠕蠕然者不病氣和

故其應疾中手渾渾然者病中手徐徐然者病渾渾亂也徐徐

也緩其應上不能至五寸彈之不應者死氣絕故是以脫不應也



肉身不去者死

殺氣外衰則肉如脫盡天真內竭故身不能行真殺並衰故死之至矣去猶行

去也中部乍踈乍數者死

乍踈乍數氣之喪亂也故死

其脉代而鈞者

病在絡脉

鈞為夏脉又夏氣在絡故病在絡脉也絡脉受邪則經脉滯否故代止也

九候之

相應也上下若一不得相失

上下若一言遲速小大等也

一候後則

病二候後則病甚三候後則病危所謂後者應不俱也

俱猶同也一也

察其府藏以知死生之期

夫病入府則愈入藏則死故死生期準察

以知矣必先知經脉然後知病脉

經脉四時五藏之脉

真藏脉見者

勝死

所謂真藏脉者真肝脉至中外急如循刀刃責責然如按琴瑟絃真心脉至堅而搏如循薏苡子累

累然真脾脉至弱而乍數乍踈真肺脉至大而虛如毛羽中人膚真腎脉至搏而絕如指彈石辟辟然凡此五者皆謂得真藏脉而無胃氣也平人氣象論曰胃者平人之常氣也人無胃氣曰逆逆者死此之謂也勝死者謂勝尅於己之時則死也平人氣象論曰肝見庚辛死心見壬癸死脾見甲乙死肺見丙丁死腎見戊己死是謂勝也

**足太陽氣絕者其足不可屈伸死必戴眼**

足太陽脉起於

目內眥上額交巔上從巔入絡腦還出別下項循肩髃內俠脊抵腰中其支者復從肩髃別下貫髀過髀樞下合膈中貫膈循踵至足外側太陽氣絕死如是矣新校正云按診要經終論載三陽三陰脉終之證此獨犯足太陽氣絕一證餘應闕文也又注貫髀甲乙經作貫膈王氏注厥論刺瘡篇各作貫膈又注刺腰痛篇作貫髀詳甲乙經注**帝曰冬陰夏陽奈何**言死時也**歧伯曰九候之脉**

皆沈細懸絕者為陰主冬故以夜半死盛躁喘數者為

陽主夏故以日中死

位无常居物極則反也乾坤之義陰極則龍戰於野陽極則亢龍有

悔是以陰陽極脉死於夜半日中也

是故寒熱病者以平旦死

亦物極則變也平曉

木王木氣為風故木王之時寒熱病死生氣通天論曰因於露風乃生寒熱由此則寒熱之病風薄所為也

熱中及熱病者以日中死

陽之極也

病風者以日夕死

卯酉衝也

病水者以夜半死

水王之故也

其脉乍疎乍數乍遲乍疾者日

乘四季死

辰戌丑未土寄王之脾氣內絕故日乘四季而死也

形肉已脫九候雖

調猶死

亦謂形氣不相得也證前脫肉身不去者九候雖平調亦死也

七診雖見九候

皆從者不死

但死候順四時之令雖七診互見亦生矣從謂順從也

所言不死者

風氣之病及經月之病似七診之病而非也故言不死

風病之脉診大而數月經之病脉小以微雖候與七診之狀略同而死者之證乃異故不死也

若有七

診之病其脉候亦敗者死矣

言雖七診見九候從者不死若病同七診之狀而脉

應敗亂縱九候皆順猶不得生也

必發噦噫

胃精內竭神不守心故死之時發斯噦噫宣明五氣

篇曰心為噫胃為噦也

必審問其所始病與今之所方病

方正也言必當

原其始而要終也

而後各切循其脉視其經絡浮沈以上下逆

從循之其脉疾者不病

氣盛故

其脉遲者病

氣不足故

脉不往

來者死

精神去也

皮膚著者死

骨乾枯也

帝曰其可治者奈何歧

伯曰經病者治其經

求有過者

孫絡病者治其孫絡血

有血留止

刺而去之

新校正云按甲乙經云絡病者治其絡血无二孫字

血病身有痛者治其經

絡

靈樞經曰經脉為裏支而橫者為絡絡之別者為孫絡由是孫絡則經之別支而橫也

新校正云按甲乙

經无血

其病者在竒邪竒邪之脉則繆刺之

竒謂竒繆不偶之氣

而與經脉繆處也由是故繆刺之繆刺者刺絡脉左取右右取左也

留瘦不移節而刺之

病氣淹留形容減瘦證不移易則消息節級養而刺之此又重明前經无問其病以平為期者也

上實

下虛切而從之索其結絡脉刺出其血以見通之

結謂血結

於絡中也血去則經隧通矣前經云先去血脈而後調  
之明其結絡乃先去也新校正云詳經文以見通之

甲乙經作  
以通其氣

瞳子高者太陽不足戴眼者太陽已絕此決

死生之要不可不察也

此復明前太陽氣欲  
絕及已絕之候也

手指及手

外踝上五指留鍼

錯簡  
文也

黃帝內經素問卷六

黃帝內經素問卷六釋文

玉機真藏論漑

古代切

痲

愈音切

胭

渠頊切

瞽

莫候切

三部九候論

軟

所甲切

飲血也

坳

古營切

蠕

而充切



黃帝內經素問卷六釋文